

Carta n̄achindahá Pablo nuú n̄a cúú cuéntá Jesús ndúu ñuu Roma

Cáhan Ndióxi Pablo xihín n̄a cúú cuéntá Jesús

¹ Yehe cúú Pablo ta Jesucristo cúú xitoho í. Naçaxi Ndióxi yehe cacuu u in apóstol cuéntá mé á ta n̄achindahá a yehe cuhun i çahan i tuhun vaha saha Jesús nuú ñayivi.

² Sanahá ndivaha naçaja Ndióxi ña ná çahyí n̄a profeta mé á tuhun vaha sahá ini libro yii Ndióxi. ³ Mé tuhun vaha yóho çahan saha Jesucristo, xitoho í, mé a cúú in túhún jini já jahyi Ndióxi. Ta n̄anduu a in ñayivi naçacu ñuyívi yóho ta naquixi a chichi rey David. ⁴ Ta najánaaha ínima yii Ndióxi ñayivi ña cúú Jesús in túhún jini já jahyi Ndióxi, mé a cúú çaja tóco ndihi ñaha. Jáchi tá sa n̄axihi Jesús já n̄anditacu tucu a ta xihín ña yóho náha ña cúú á in túhún jini já jahyi Ndióxi. ⁵ Ta sahá ña naçaja Jesucristo ndiça crúxu sahá ña yóho naçaja Ndióxi ñamaní xihín ndihí. Já n̄achindahá Ndióxi mí ña ná cuhun í cuéntá mé á çahan í saha Jesús nu tóco ndihi ñayivi ndúu ñuyívi já ná cuu candeé ini na mé á ta já ná çaja na ña cúní a. ⁶ Ta mé ndó, n̄a cúú cuéntá Jesús ndúu ñuu Roma jan, naçaxi Ndióxi ndohó cacuu ndó cuéntá mé á.

⁷ Ña cán queá çahyí i carta yóho nu ndó, n̄a ndúu ñuu Roma jan. Jáchi cúní ndivaha Ndióxi ndohó ta naçaxi a ndohó nduu ndó ñayivi mé á. Ta ná çaja Ndióxi, tátá yo xihín Jesucristo, xitoho í çuahá ñamaní xihín ndo ta ná çaja ña ná coo vaha ini ndó.

Cúni Pablo cuhun da ñuu Roma coto nihni da n̄a cúú cuéntá Jesús ndúu cán

⁸ Ndíquiahva i ndixahvi nu Ndióxi sahá ña ñacaja Jesucristo xihín in in ndó jáchi ñayivi ndúu ndijáá ñuyiví xíni johó na ña cándéé ini ndó Jesús. ⁹ Yehe cája chúun i cuéntá Ndióxi ta ndinuhu ini i cáxi tuhun i tuhun vaha saha Jesús, mé a cúu in túhún jini já jahyi Ndióxi nuú ñayivi. Ta xíni vaha Ndióxi ña tóco ndihi quivi xíca tahví i nu mé á sahá ndihi ndó. ¹⁰ Ta ndijáá ní quivi xíca tahví i nu Ndióxi ña ná quiahva ñamani nuú i saa i jan coto nihni i ndohó tá cúní a. ¹¹ Jáchi cúní cuni i ndohó já ná caxi tuhun i xihín ndo ndá quiahva cúní ínima yii Ndióxi caja ñamani xihín ndo já ná ndindacú chága ndó cuéntá mé á. ¹² Ña cúní queá ná quiahva tuhun ndeé ini táhan í jáchi in cándéé ini ndihí Ndióxi.

¹³ Cúní ña ná candaa ini ndó, ñani mí i, na cúu cuéntá Jesús ña sa cuahá tañu sácu ini i saa i coto nihni i ndohó joo ín cuahá ña sáji nuu nuú i sahá ña cán queá cámani saa i jan. Cúní chindeé e ndohó ña ná caca vaha ndó íchi cuéntá Jesús. Jáchi quiahva já nachindeé e java ga ñayivi, na co cúu chichi Israel. ¹⁴ Joo ndítahan nuú i caxi tuhun i tuhun Ndióxi nu tóco ndihi ñayivi ndúu ñuu náhnu xihín na ndúu yucú ñúhú. Ta cahan i tuhun Ndióxi xihín na ndíchí jini ta xihín na co ndíchí jini. ¹⁵ Ña cán queá xíca ndivaha ini i saa i nu ndúu ndó ñuu Roma jan cahan i tuhun vaha saha Jesús xihín ndo.

Jácacu Ndióxi ñayivi sahá tuhun vaha cahan saha Jesús

¹⁶ Co cácahan nuú i sahá tuhun vaha cahan saha Jesús jáchi cúu á ndeé Ndióxi jácacu a tóco ndihi ñayivi, na cándéé ini mé á. Ta jihna ñúhú ñacasahá Ndióxi jácacu a ñayivi naquixi chichi Israel ta viti jácacu a tóco ndihi ñayivi tá cándéé ini na mé á vatí cúu ná na tóho á cúu ná na Israel. ¹⁷ Jáchi náha tuhun Ndióxi nu yo ndá quiahva ndúu ñayivi ndaa nu mé á. Ta cúu á sahá ña cándéé iní mé á ta sahá ña yóho cuití va jáchi coó a inga nuú ña caju í cacuú

ñayivi ndaa nu Ndióxi. Já cáchi tuhun Ndióxi já: “Ndá na cúu ñayivi ndaa nu Ndióxi catacu na sahá ña cándée ini na mé á.”

Tóco ndihi ñayivi ndúu ñuyíví cómi na cuachi nu Ndióxi

¹⁸ Janda indiví nu íin Ndióxi xójo ini a xihín tóco ndihi ñayivi cája cuachi ñuyíví yóho ta jándoho a ini na sahá cuachi cája na. Ta sahá ña núu cája na sáji nuu na nuú java ga ñayivi, na cúni candaa ini ña ndaa saha Ndióxi.

¹⁹ Jándoho Ndióxi ini ñayivi sahá cuachi cája na jáchi sa najánaha mé á ña ndaa nu ná ta sa xini na saha mé á joo co cándúsa na ña. ²⁰ Janda sahá ñuyíví xini ñayivi ña nacavaha Ndióxi ñuyíví xihín indiví xihín tóco ndihi ñaha.

Ta xihín ña yóho cuu candaa ini na ña íin Ndióxi ta cuu candaa ini na ña íin ndée mé á caja ña cúni a anda ama cáa quivi. Sahá ña cán quea a cúu cachi na ña co xini na á íin Ndióxi á coo a. ²¹ Vatí cándaa vaha ini na ña íin Ndióxi

joo co cája cáhnu na mé á tátuhun ndítahan nu ná caja na. Ta ni co ndiquahva na ndixahvi nu á. Ña cája na quea cáhvi núu ini na ta coo saha toho ña cáhvi ini na. Ta cúu ná tátuhun ñayivi tóntó jini, na xica nuu nuú naá yávi. ²² Ta vatí cáchi na cúu ná na ndíchí jini joo cúu ná na tóntó jini.

²³ Najándacoo na ña cája cáhnu na Ndióxi, mé a tácu anda ama cáa quivi ta nacavaha na tiniñu yúu ña ñéhe nahná taa, da xihí yachi. Ta nacavaha na nahná laa xihín nahná quiti xihín nahná coo. Ta nacasáhá cája cáhnu na ña.

²⁴ Sahá ña cán quea najándacoo Ndióxi na ña ná caja na tá nuú ña núu ña cúni na caja na. Anda jávi nacasáhá na cája quini na xihín yiquí cuñu táhan na. ²⁵ Co xeén na cándúsa na ña ndaa cáhan saha Ndióxi joo nacandúsa na ña tuhún. Ta nacaja cáhnu na ña nacavaha Ndióxi ta coo nacaja cáhnu na mé Ndióxi, mé a nacavaha tóco ndihi ñaha. Jáchi Ndióxi quea xini ñúhú caja cáhnu í anda ama cáa quivi. Já ná coo.

²⁶ Sáhá ña cán quéa najándacoo Ndióxi na ña ná caja na ña xíca ini na caja na, ña cō ndítahan caja na. Ta naxinu na janda nuú najándacoo najihí ña quíji na xihin yí na ta já ñacasáhá quíji xihin táhan ndaja jíhí mé va na. Ta ña yóho cúú á ña cōo ñasacu ini Ndióxi caja na. ²⁷ Ta quiahva já ñacaja ri dataa. Najándacoo da ña quíji da xihin ñájihí da ta ñacasáhá ndicají ini da caja da ña núu xihin táhan mé va da janda quiahva ñacasáhá quíji xihin táhan mé dá. Chí nuú cacahan nuu yo quéa cája xihin táhan da. Ta tá nandihí já cásáhá ndóho ini yiquí cuñu na sahá ña núu cája na.

²⁸ Naxinu na nuú najándacoo xóo na Ndióxi ta cō cúní ga na candaa ini na sahá. Sáhá ña cán quéa najándacoo xóo Ndióxi na ña ná cahvi núu ini na ta já cája tá cája na ña cō ndítahan nu ná caja na. ²⁹ Nandicutú ndaa ínima ná xihin tá nuú ña núu, ña cúú cuachi. Ta ndiáva íní na quehe na ñaha cómí inga ñayivi ta cája xíxi na xihin ná ta cáhíhvi ini na ta sáhní na ndíi ta cáni táhan na ta jándahvi na ñayivi ta cáhvi núu ini na sahá inga na ta xíca nuu na cáhan túhún na. ³⁰ Ta cánahá quini ndivaha na xihín inga na ta cándají na Ndióxi ta yáha yúhu na xihín inga na ta cája ichi ini na ta cája cáhnu na mé va na. Ndiáva íní na ndaja caja chága na cuachi ta sáá ini na caja na ña cúní tátá náná na. ³¹ Cō xíní túní na ta cō jáxinu cōo na tuhun sáhan na nuú ñayivi. Cō quíhvi ini na ñani táhan na ta cō cája cáhnu ini na saha ná ta cō táhnda ini na sahá ñayivi. ³² Xíní vaha na ña ñasahnda Ndióxi nu ná ta xíní na ña ndítahan quivi na sahá cuachi cája na. Vatí cándaá ini na ña yóho joo xihín ndinuhu ini na cája tá cája na ña núu. Ta janda cájii ini na tá cája java ñayivi mé ña núu.

2

Caja vií Ndióxi saha tóco ndihí cuachi

¹ Mé a ndaa cómí ndó cuachi nū Ndióxi. Sándehé ndaa ndó inga ñayivi sahá cuachi cája na joo chícaan ndó cuachi jata mé va ndó jáchi cája ndó mé cuachi cán. ² Sa xíni vaha í ña cája ndaa Ndióxi tá jándoho á ini ñayivi sahá cuachi cája na. ³ Mé ndó sándehé ndaa ndó cuachi cája java ga ñayivi ta cáhán ndo vaha cája Ndióxi tá chíndahá na cūhun na indayá. Joo cáhán ndo ña caja cáhnu ini a saha mé ndó vatí cája ndó mé cuachi cája na cán. ⁴ Ndája núu ndó Ndióxi, mé a cúní caja cuahá ñamaní xihín ndo jáchi xíni ndó ña co jándoho yachi Ndióxi ini na cája cuachi. Cúní Ndióxi ña ná ndicó coo ini ndó jándacoo ndó cuachi cája ndó. ⁵ Ihvi ndivaha cúu ini ndó jáchi co jándacoo ndó cuachi cája ndó. Nandicuahá cuachi ndó ta jándoho chága Ndióxi ini ndó tá ná tandaa quiví caja ví a sahá cuachi nacaja ñayivi. Mé quiví já ndaca náha ña cojo ini mé á saha cuachi ñayivi ta náha ña ín saha mé á jándoho a ini na cán. ⁶ Mé tiempo cán quiahva Ndióxi nuú in in ñayivi ña ndítahan nū ná ndiquehe na sahá ña nacaja na ñuyíví yóho. ⁷ Java ñayivi nacaja na ña vaha xihín ndinuhu ini na ta nacacúní na caja na ña ná cají ini Ndióxi xihín já ná cachi Ndióxi ña cúu ná ñayivi vaha. Ta nacacúní na coo na nū ín Ndióxi anda ama cáa quiví. Ta mé na cán cúu na cūhun coo xihín Ndióxi anda ama cáa quiví. ⁸ Joo cojo ini Ndióxi tá jándoho a ini na sáá ini, na co cúní cūhun xoo ña ndaa jáchi cátóo na cūhun na xoo ña núu. ⁹ Ndoho ndivaha ini tóco ndihi ñayivi cája cuachi ta cacuéha ndivaha ini na. Jihna ñúhú na naquixi chichi Israel ndoho ini já casahá ndoho ini na coo naquixi chichi Israel. ¹⁰ Joo cají ini Ndióxi xihín na cája ña vaha ta ndaja cáhnu a na ta caja mé á ña ná coo vaha ini ná. Jihna ñúhú já caja mé á xihín na naquixi chichi Israel já casahá caja ri a já xihín na coo naquixi chichi Israel.

¹¹ Jáchi co cúu á tátuhun cúní Ndióxi in ñayivi ta cándají

a inga na jáchi in cúu ndihi ví nṽ Ndióxi. ¹² Vatí cṽ cándaṽ ini ñayivi ñṽ sáhnḁá ley Moisés joo cṽhun tá cṽhun na indayá sahá cuachi naçaja na. Ta vatí cándaṽ ini ñayivi ñṽ sáhnḁá ley Moisés joo cṽhun tá cṽhun na indayá sahá cuachi naçaja na. ¹³ Jáchi tá cándaṽ ini na ñṽ sáhnḁá ley Moisés ta cṽ cája na ñṽ jáchi cṽ cáchí Ndióxi ñṽ cúu ná ñayivi ndṽ nṽ mé á. Ta tá cája na ñṽ sáhnḁá mé ley Moisés andṽ jáví cáchí Ndióxi ñṽ cúu ná ñayivi ndṽ nṽ mé á. ¹⁴ Ñayivi, na cṽo naquixi chichi Israel cṽ xini na ñṽ sáhnḁá ley Moisés. Cája mé ná ñṽ sáhnḁá ley Moisés jáchi já xinu ini na caja na ñṽ vatí cṽ xini na mé ley Moisés. ¹⁵ Ñṽ cája mé ná náha nuṽ ñayivi ñṽ nasacu Ndióxi ley mé á ini xini túni ná. Ta xihin xini túni ná cándaṽ ini na tá cája na ñṽ vaḁa á tá cája na ñṽ núu. Ta quiahva já xihin mé xini túni ná xini vaḁa na á cája na cuachi á cája na ñṽ vaḁa ¹⁶ tá ná xinu quiví quiahva Ndióxi chuun nṽ Jesucristo caja víí a sahá ñṽ naçaja tóco ndihi ñayivi vatí naçaja jehé na ñṽ. Jáchi já cáhan tuhun vaḁa saḁa Jesús ñṽ jánaḁa i nṽ ndṽ.

Na naquixi chichi Israel cándusa na ley Moisés

¹⁷ Ta mé ndó cáchí ndṽ cúu ndṽ na naquixi chichi Israel, na cándusa ley Moisés. Ta cáchí ndṽ cája chága Ndióxi ñamaní xihin mé ndó a juú ga xihín java ga ñayivi. ¹⁸ Ta cáchí ndṽ ñṽ sa xini ndó ñṽ cuni Ndióxi caja ndó ta cáchí ndṽ ñṽ sa xini ndó caxi ndó ñṽ vaḁa jáchi sa najácuaha ndó ley Moisés. ¹⁹ Ta cáchí ndṽ tiaḁva vaḁa ndó chindeé ndó ñayivi ñṽ ná ndihvi na íchi Ndióxi ta cáchí ndṽ ñṽ cúu ndṽ tátuhun in lámpara jándiyéhe nuṽ ñayivi xica nuu nuú naá. ²⁰ Ta cáchí ndṽ ñṽ tiaḁva ndó jánaḁa ndó nuṽ ñayivi, na cṽ xini túni ta cáchí ndṽ ñṽ tiaḁva ndó jánaḁa ndó nuṽ ñayivi, na cámaní cataçu vaḁa ini. Cómí ndṽ ley Moisés sahá ñṽ cán queá cáhán ndṽ xini ndó tóco ndihi ñṽ ndṽ xihin tóco ndihi ñṽa. ²¹ Mé ndó jánaḁa ndṽ ley Moisés

nuú ñayivi joo jihna ñúhú ndítahan caja ndó ña. Mé ndó jánaḥa ndó nuú ñayivi ña a váha toho caja cuihná na joo cúú ndó na cuihná. ²² Mé ndó jánaḥa ndó nuú ñayivi ña a váha toho coo in taa xihín in ñáñáha, ñá co cúú ñájíhí da joo íin ndó xihín ñájíhí inga na. Mé ndó co cúni ndó yoco ndindojo veñuhu ñayivi, na coo naquixi chichi Israel joo cája cuihná ndo ña cuicá ñúhu veñuhu na cán. ²³ Cája cáhnu ndó mé va ndó jáchi cómi ndo ley Ndióxi joo co cája cáhnu ndó mé á jáchi co cúni ndó caja ndó ña sáhndá mé ley. ²⁴ Ña cán quea ndaa cáhan tñhun Ndióxi saha ndó tá cáchi a já: “Ñayivi, na coo naquixi chichi Israel cáhan núu na saha Ndióxi sahá ña cája mé ndó, na Israel”, cáchi tñhun Ndióxi.

²⁵ Tá cája ndó ña sáhndá ley Moisés já quea ndiyahvi marca nachicaan na yiquí cuñu ndó. Joo tá co cája ndó ña sáhndá ley Moisés já quea co ndiyahvi toho marca nachicaan na yiquí cuñu ndó. ²⁶ Na coo naquixi chichi Israel co chicaan toho na mé marca jan yiquí cuñu na joo tá cája na ña sáhndá ley Moisés já ndiquehe Ndióxi na tá quiahva ndiquehe ri mé á na íin marca yiquí cuñu. ²⁷ Ndá na cája ña cáchi ley vatí coo naquihvi marca yiquí cuñu na, íin sahá na cán chicaan na cuachi jatá na co cája ña cáchi ley vatí íin a nu ná ta naquihvi marca yiquí cuñu na. ²⁸ Ña cán quea tá ná caja in na naquixi chichi Israel mé costumbre ña ná cuni cuití va ñayivi ña já quea a juú ña ndaa ña cúú ná cuéntá Ndióxi. Ta ndá na chicaan na marca yiquí cuñu na co cája na mé costumbre cuéntá yiquí cuñu cuití va na. ²⁹ Ta ndá na naquixi chichi Israel tá mé a ndaa cúú ná cuéntá Ndióxi ta cája na ña cúni mé á co cúú á sahá ña nasahnda loho na yiquí cuñu na. Cúú á sahá ña nacaja ínimā yii Ndióxi ini na. Ta mé na cán jácavatá na ini Ndióxi jáchi xihín ínimā yii mé á cája na ña cúni mé á.

3

¹ Sahá ña cán quéa ná ndaca tuhún i ndohó ña yóho: Á ñin cuahá chága sahá ñayivi naquixi chichi Israel a juú ga sahá java ga ñayivi. Á ndiyahvi nu Ndióxi ña nachicaan na marca yiquí cuñu na. ² Ajan. Ñin cuahá sahá ñayivi naquixi chichi Israel ta tá nachicaan na marca yiquí cuñu na ndiyahvi a nu Ndióxi jáchi nasacu ini a jándaco a tuhun a nuú na naquixi chichi Israel já ná cacomí na cuénta sahá. ³ Ta vatí ná caja java ñayivi, na cándee ini mé á ña co cuni mé á caja na joo ama sahá ña cán a ndijama toho Ndióxi jiní á ña ná caja ña núu xihin ná, vaha. ⁴ Co cája toho Ndióxi já. Ña cája Ndióxi ní tiempo cúu ndinuhu ña ndaa vatí tóco ndihi ñayivi cáhan na ña tuhún. Já cáchi tuhun Ndióxi já:

Xihin tuhun cáhan Ndióxi cándaa iní ña cúu á Ndióxi ña ndaa
ta a cúu quee vaha na chicaan cuachi jíquí jatá jáchi cúu
mé á in Ndióxi ndaa, já cáchi tuhun mé á.

⁵ Ta viti ná cáhan i xihin ndó tá quiahva cáhan ñayivi ñuyiví. Cáhan na ña co cája vaha Ndióxi tá jándoho a mí sahá cuachi jáchi xihin cuachi jándindita jíco chága yó Ndióxi. Ta xihin ña cája í náha ña cúu Ndióxi in Ndióxi ña ndaa ta mí cúu yó ñayivi cuachi. ⁶ Joo co cáhan vaha na jáchi tá co cája ndaa Ndióxi, nduu já quéa a cuú caja vií mé á sahá ndihi cuachi cája tóco ndihi ñayivi nduu ñuyiví.

⁷ Já cáchi ñayivi já: “Cóho ná caja yó cuachi já ná cándaa chága ini ñayivi ña cája ndaa Ndióxi ta xihin ña yóho caja cáhnu chága na mé á”, cáchi na. Joo co cáhan vaha na jáchi tá cáhan yo ña xihin cuachi cája í ndicáhnu chága Ndióxi já quéa co cándaa iní ndá saha quéa jándoho Ndióxi ini ñayivi sahá cuachi na. ⁸ Joo java ñayivi cáchi na: “Cóho ná caja í cuachi já ná caja cáhnu ini mé á sahá cuachi já ndicáhnu chága Ndióxi”, cáchi na joo co cáhan vaha

na. Ta java ñayivi cáhan ihvi na sahá yehe ta chícaan na cuachi jata i ta cáchi na ña jánaha yehe ña yóho nuú ñayivi. Ndítahan jándoho Ndióxi ini tóco ndihi ñayivi, na jánaha ña yóho.

Tóco ndihi ñayivi ndúu ñuyíví cómi na cuachi nu Ndióxi

⁹ Ña cán queá a cuú cachi yó ña cúú mí na va ha chága a juú ga inga ñayivi sahá ña naquixí chichi Israel. Jáchí sa najánaha i nu ndo ña mí, na naquixi chichi Israel xihín na coó naquixi chichi Israel cúú yó ñayivi cája cuachi. ¹⁰ Já cáchi tūhun Ndióxi já:

Coó toho ni in ñayivi cája ña ndaa.

¹¹ Ta coó toho ni in na cándaa ini ña ndaa, ta coó ni in na ndínducú Ndióxi.

¹² Nacaxoo na nu Ndióxi já naquehe na ichí núu cuahan na.

Coó ñayivi cája ña va ha janda ni in túhún na coó.

¹³ Quini ndivaha yūhu ná jáchí cúú á tátūhun in yávi ndi ña cámaní ndee ñūhu.

Cúú ná ñayivi túhún ndivaha.

Tá quiahva cája coo tá tīn rí ñayivi já cája na cán tá cáhan na ña tūhún.

¹⁴ Ta mé cháhan cuití cáhan yūhu ná ta xihín ña yóho jatahvi na ini ñayivi.

¹⁵ Níí tiempo ndícají ini na cahní na ndi ta xihí ndi cája na.

¹⁶ Ta ndá nu xínu na jándoho na ini ñayivi jándacoo ndáhví ñahá na.

¹⁷ Ta co xini na ndá a queá canduu va ha na xihín ñayivi.

¹⁸ Ta ni co cándaa ini na ña ndítahan nu ná cayihví na Ndióxi, cáchi tūhun Ndióxi.

¹⁹ Sa xini yó ña ndítahan nuú na Israel caha na tóco ndihi ña sáhdá ley Moisés jáchí cúú á cuénta na naquixi chichi Israel. Ta xihín ña yóho chícaan ley Moisés cuachi jata mé

na cán ta náha ña tóco ndihi ñayivi ndúu ñuyíví cómí na cuachi nu Ndióxi ta a cuú cachi na ña co cómí na cuachi. ²⁰ Ni in ñayivi a cúu nduu ndaa na nu Ndióxi sahá ña cája na tóco ndihi ñaha sáhdá ley Moisés. Ña cája mé ley quéa ña ná candaá iní ña cómí yo cuachi nu Ndióxi.

Jácau Ndióxi mí jáchi cándéé iní mé á

²¹ Viti jánaḥa Ndióxi nu yo ndá quiahva nduu ndaa yo nu mé á. Ta jári cáchí mé ley xihín na profeta sahá ña yóho. Ta co cúu á sahá ña cája í ña cáchí mé ley ²² joo sahá ña cándéé ini ñayivi Jesucristo já cája Ndióxi ña ná nduu ndaa na nu mé á. Já caja mé á xihín tóco ndihi na cándéé ini Jesucristo jáchi tá quiahva cája Ndióxi xihín na Israel quiahva já cája ri a xihín na co cúu na Israel. ²³ Tóco ndihi ñayivi cómí na cuachi nu Ndióxi ta nacaxíca na nu á ta a cuú nduu na ñayivi vaha tá quiahva cúni mé á. ²⁴ Joo nacaja Ndióxi in ñamani cáhnu xihín yo já ná nduu ndaa yó nu mé á. Ta coó nachahví sahá jáchi nachahvi Jesucristo sahá cuachí tá naxihí a ndica crúxu. Ta viti co cómí ga yó cuachi nu mé á. ²⁵ Nachindahá Ndióxi Jesucristo ña ná cuíta nji a sahá cuachí já ná cuu caja cáhnu ini Ndióxi saha yo tá ná cándéé iní Jesucristo. Xihín ña yóho náha ña cúu á in Ndióxi ndaa. Tá cámaní quivi Jesucristo sahá cuachí já coó naquehe Ndióxi cuéntá sahá cuachi. Já nacaja mé á jáchi cáhnu ndivaha ini a. ²⁶ Ta xihín ña yóho náha ña mé a ndaa táhyí cúu á in Ndióxi ña ndaa janda quivi víti. Tóco ndihi na cándéé ini Jesús cúu ná na ndaa nu Ndióxi jáchi najándoo Jesús cuachi na. Ta xihín ña yóho náha ña cúu á Ndióxi ndaa.

²⁷ Ndá sahá cája cáhnu í mí, vaha. Ama ná cuu caja cáhnu í mí sahá ña nacaja í. Jáchi a cuú nduu ndaa yó nu Ndióxi sahá ña nasacu vaha í ley Moisés. Cúu á sahá ña cándéé iní Jesús. ²⁸ Sahá ña cán quéa sa xini yó viti ña

nduu ndaa yó nū Ndióxi tá ná candeé iní Jesús cuití va. Ta cō cúú á sahá ña nasacu vaha í ña sáhdá ley Moisés.

²⁹ Á cája Ndióxi ña yóho sahá na naquixi chichi Israel cuití va, vaha. Uhun. Jáchi jácacu Ndióxi na naquixi chichi Israel xihín na cōó naquixi chichi Israel. ³⁰ Jáchi ín in táláá Ndióxi ta mé Ndióxi yóho jácacu a ñayivi tá ná candeé ini na mé á vatí cúú ná na Israel á cō cúú toho ná. ³¹ Á cacu xoo í ley Moisés, da já. Uhun. Vatí candeé iní Jesús joo a cuú cacu xoo í ley Moisés jáchi náha ña cúú á ña ndaa ta ndíyahvi a nū yo.

4

Ña nacaja Abraham sanhá ndivaha

¹ Ta ndá saha nacachi Ndióxi sahá Abraham, tásáhnū jícó yo ña nanduu da taa ndaa nū mé á. ² Cō cúú á sahá ña nacaja da ña nanduu da taa ndaa nū Ndióxi já ná a cája cáhnū da mé dá. Ta cōó toho ñaha ña cuu caja cáhnū da mé dá saha. ³ Jáchi já cáchí tuhun Ndióxi: “Nacandeé ini Abraham Ndióxi sahá ña cán quea nanduu ndaa da nū mé á”, cáchí tuhun Ndióxi. ⁴ Ta viti ná caja í cuéntá cája chúun in dataa. Ta tá nandihí cháhvi na nū dá ta mé jihún cán cō cúú á ña jásá na nū dá. Cháhvi na nū dá jáchi cáni a nū dá quehe da ña sahá chuun nacaja da. ⁵ Jáchi a cúu ndaja ndaa ñayivi mé ná nū Ndióxi sahá ña cája na. Tá ná candeé ini ñayivi Jesús, mé a nachahvi sahá cuachí anda javí ndaja Ndióxi na ñayivi ndaa nū mé á. ⁶ Ta quiahva já nacahan rey David sahá ña yóho tá nacachi da ña tahví nahá nacuu da ndája ndaa Ndióxi vatí cōó nacaja da ñaha ña ná cuu ndaja ndaa da mé dá nū Ndióxi. ⁷ Já nacachi David já:

Tahví nahá nacuu ñayivi tá nacaja cáhnū ini Ndióxi sahá ña núu nacaja na ta tá najándoo a cuachi na.

⁸ Ta t̄ahví n̄ahá n̄acuu ñ̄ayivi tá c̄oó n̄aquehe Ndióxi cuéntá sahá cuachi n̄acaja na, n̄acachi David sanahá ndivaha.

⁹ Á t̄ahví n̄ahá n̄acuu n̄a n̄achicaan marca yiquí cuñu cuití va. Ūhun. Jáchi ndúu ndaa ñ̄ayivi n̄u Ndióxi sahá ñ̄a cándeé ini na mé á ta c̄o cúu á sahá ñ̄a n̄achicaan n̄a marca yiquí cuñu á c̄oó a. Ta sa x̄ini yó ñ̄a n̄acachi Ndióxi ñ̄a n̄anduu Abraham t̄aa ndaa n̄u mé á sahá ñ̄a n̄acandeé ini da mé á. ¹⁰ Á n̄acachi Ndióxi ñ̄a cúu Abraham t̄aa ndaa n̄u mé á tá cámaní chicaan d̄a marca yiquí cuñu da á tá n̄andihi n̄achicaan d̄a marca yiquí cuñu da. N̄acachi a já x̄ih̄in dá tá cámaní chicaan dá marca yiquí cuñu da.

¹¹ Jihna ñ̄uhú n̄acandeé ini Abraham Ndióxi and̄a jávi n̄acachi a ñ̄a cúu Abraham t̄aa ndaa n̄u á. Tá n̄andihi já n̄achicaan d̄a in marca yiquí cuñu da já náha ñ̄a mé a ndaa n̄anduu da t̄aa ndaa n̄u Ndióxi jáchi n̄acandeé ini da mé á. X̄ih̄in ñ̄a yóho n̄ax̄inu Abraham n̄anduu da tátuhun tátá tóco ndihi ñ̄ayivi, n̄a candeé ini Ndióxi vatí c̄oó n̄achicaan n̄a marca yiquí cuñu na. Ta vatí c̄oó n̄achicaan n̄a mé marca yóho yiquí cuñu na joo cúu ná ñ̄ayivi ndaa n̄u Ndióxi. ¹² Ta quīahva já n̄anduu Abraham tátá n̄a ín mé marca yiquí cuñu. Ta a juú sahá mé marca yóho cuití va jáchi n̄anduu da tátá n̄a sahá ñ̄a cándeé cáhnu ini na Ndióxi tá quīahva n̄acandeé ini Abraham mé á tá cámaní chicaan d̄a marca yiquí cuñu da.

Jáxinu c̄o Ndióxi t̄uhun s̄ahan n̄u yo tá ná candeé ini mé á

¹³ Sanahá ndivaha n̄asahan Ndióxi t̄uhun a n̄u Abraham x̄ih̄in nuú n̄a n̄aquixi ch̄ichi da. N̄acachi Ndióxi ñ̄a tandaa quiví ñ̄eh̄e táhvi ná ñ̄a ná nduu ñ̄uyiví ñ̄aha mé ná. C̄oó n̄asahan Ndióxi t̄uhun a n̄u Abraham sahá ñ̄a n̄acaja da ñ̄a s̄ahndá ley Moisés. N̄asahan mé á t̄uhun a n̄u dá sahá ñ̄a n̄acandeé ini da mé á ta já n̄anduu ndaa d̄a n̄u Ndióxi.

¹⁴ Joo tá mé a ndaa n̄a n̄asacu v̄aha ley cúu n̄a ñ̄eh̄e táhvi

cuhun indivi já quéa coó chuun cándéé iní Ndióxi, dá já. Jáchi xihín ña yóho jándacoo núu í tuhun nasahan Ndióxi nu yo ña caja mé á xoho. ¹⁵ Ndítahan nu Ndióxi jándoho a ini ñayivi tá co caja na ña sáhdá ley Moisés. Joo tá coó toho mé ley já quéa coó toho cuachi ñayivi nu ley.

¹⁶ Nasahan Ndióxi tuhun a nu Abraham sahá ña nacandéé ini da mé á. Ta sáhan mé á tuhun a nu yo tá cándéé iní mé á. Coó a caja toho a á caja í ña sáhdá ley Moisés á co caja toho í ña jáchi mé a ndaa ndiquehé ña vaha sáhan Ndióxi nu yo tá cándéé iní mé á tátuhun nacandéé ini Abraham mé á. Ta cúu á tátuhun nanduu Abraham tátá tóco ndihi na cándéé ini Ndióxi. ¹⁷ Já cáchi Ndióxi já xihín Abraham: “Nacaja i ña ná nduu mún tátá ñayivi ndúu cuahá nación”, já cáchi tuhun Ndióxi sanahá. Mé Abraham cúu dá tátuhun tátá ndihí nu Ndióxi. Nacandéé ini da Ndióxi, mé á cuu jánditacu tucu ndii ta xihín tuhun cáhan mé á caja ña ná coo ña coó nasahiin jihna.

¹⁸ Vatí coó naxinu nuú tuhun nasahan Ndióxi nu Abraham joo nacandéé tá nacandéé ini da Ndióxi ta nasandati da jáxinu coo mé á tuhun a. Já nanduu da chichi nuú naquixi cuahá ñayivi, na ndúu cuahá nación. Já nayaha jáchi já nacachi Ndióxi xihín dá sanahá: “Ndicuahá ndivaha ñayivi quixi chichún”, nacachi Ndióxi xihín dá. ¹⁹ Ta nacandéé ini Abraham Ndióxi ña cacu jahyi da vatí sa nacayati quivi xinu da in ciento cuia ta vatí sa cándaa cáxi ini da ña jalóho cuití va quiví catacu da ñuyiví yóho xihín Sara, ñájihí da. Ta sa cándaa ini da ña a cuú ga cacu jahyi ná joo nacandéé ini da Ndióxi. ²⁰ Ta coó nacavitá ini da ta coó nandicani ivi joho ini da sahá tuhun nasahan Ndióxi nu dá. Joo nanduu ndeé chága ví ini da já ná candéé cáhnu chága ví ini da Ndióxi ta nacaja cáhnu da mé á. ²¹ Já naxinu ini da ña mé a ndaa táhyí iin ndée Ndióxi ná jáxinu a tuhun sáhan nuú ñayivi. ²² Nacandéé ini Abraham Ndióxi sahá

ñā cán queá nācachi a ñā nānduu da taa ndaa nū mé á.

²³ Ta tá cáchí tūhun Ndióxi ñā nānduu Abraham taa ndaa nū Ndióxi sahá ñā nācandeeé ini da mé á já queá coó nācahyi ñā yóho sahá Abraham cuití va. ²⁴ Nācahyi ri a sahá mí jáchi tá ná candeeé ini Ndióxi, mé á najánditacu Jesús, xitoho í tañu ndii já queá ndiquehe Ndióxi mí ta ndaja mé á mí ñā ná nduú ñayivi ndaa nū mé á. ²⁵ Ta nāndiquiahva na Jesús ñā ná quivi a ndica cruxu sahá cuachí. Ta tá nāndihi nānditacu tucu a ñā ná nduú ñayivi ndaa nū mé á.

5

Nacaja Ndióxi ñā ná nduu ndaa yó nū mé á

¹ Sahá ñā cán queá coó ga cuachi jata yo jáchi nācandeeé ini Ndióxi ta nāndique táhan mání yó xihin á sahá ñā nacaja Jesucristo, xitoho í. ² Ta sahá ñā cāndeeé ini Jesucristo sahá ñā cán queá cája Ndióxi cuahá ñamaní xoho. Cāndeeé ini mé á ta cájii ini ndátí cūhun í coo í xihin mé á. ³ Ta quiahva já cájii ini tá ná quixi tondóhó nū yo jáchi sa xini yo ñā ndindacú chága ini cuéntá Ndióxi tá ndóho í tondóhó. ⁴ Tá sa nāndindacú ini cuéntá Ndióxi nacaja tondóhó anda jáví táhan ini Ndióxi xihin yo jáchi naxito ndojó mé á mí ta nāndindacú chága ini cuéntá mé á. Tá nātahan ini Ndióxi xihin yo anda jáví candaā vaha ini ñā jáxinu coo mé á tūhun nasahan a nū yo. ⁵ Tá ndátí ñā nasahan Ndióxi tūhun a quiahva nū yo já a cāndoo núu toho Ndióxi xihin yo jáchi najāndicutú Ndióxi ínima yo xihin ñā quihvi ini a mí. Nacaja Ndióxi ñā yóho xihin ínima yii mé á ñā nasahan nū yo.

⁶ Sahá ñā co ndeeé yo jácacú mí sahá ñā cán queá naxihí Jesucristo sahá yo ta coó nācayáncá a quivi a ta ni coó naxihí yachi a. Naxihí a mé quivi nānditahan quivi a sahá cuachi ñayivi quini. ⁷ Ihvi ndivaha cáa já queta in ñayivi

quivi na sahá inga ñayivi vatí cúu ná na vaḥa. Joo mé a ndaa cuu queta in ñayivi coo tiaḥva na quivi na sahá in na cúu na vaḥa ndivaḥa. ⁸ Náḥa Ndióxi nu yo ña mé a ndaa táhyí quíhvi ini a mí jáchi vatí cúu yó ñayivi cája cuachi joo naxihí tá naxihí Jesucristo saḥa yo. ⁹ Ta viti sa nanduú ñayivi ndaa nu mé á sahá nii Jesucristo, dó naxita saḥa yo. Ta sa saḥa mé á cacu ndaa ínima yo já ná a cójo ini Ndióxi saḥa cuachi. ¹⁰ Nasacuú na coó naxini táhan vaḥa xihín Ndióxi joo saḥa ña naxihí in túhún jini já jahyi mé á saḥa ña cán quea nandique táhan máni yó xihín á viti. Xihín ña yóho cuu cacu ndaa ínima yo jáchi nanditacu tucu Jesucristo ta sa nandique táhan máni yó xihín Ndióxi viti. ¹¹ Ta a juú ña yóho cuití va vaḥa jáchi cájii ndivaḥa iní xihín Ndióxi saḥa ña naçaja Jesucristo, xitoho í. Saḥa ña cán quea naxinu yó nandique táhan máni yó xihín Ndióxi.

Ña naçaja Adán xihín ña naçaja Jesucristo

¹² Ta saḥa cuachi naçaja in taa naní Adán saḥa ña cán quea nandihvi cuachi ñuyívi yóho ta tá nandihvi cuachi ñuyívi já naçasahá xihí ñayivi. Tóco ndihí cája í cuachi ta saḥa ña yóho ndítahan quivi ndihí. ¹³ Tá cámani quiaḥva Ndióxi ley mé á nu Moisés naçacomí tóco ndihí ñayivi cuachi. Joo co quehe Ndióxi cuéntá saḥa cuachi jáchi coó toho ley naçahin tiempo já. ¹⁴ Janda tiempo naçahin Adán naçasahá xihí ñayivi saḥa cuachi na ta janda naxinu tiempo naçahin Moisés naxihí na vatí coó naçaja na mé cuachi naçaja Adán. Naçacomí Adán cuachi jáchi naquehe núu da ña naçachi Ndióxi xihín dá. Ta mé Adán yóho naçacuu da tátuhun yuhú nuú da quixi tá nu ndihí.

¹⁵ Joo a cuú jándique táhan í cuachi naçaja Adán xihín tóco ndihí ña vaḥa sahan Ndióxi nu yo. Jáchi saḥa cuachi naçaja in túhún taa, xihí cuahá ndivaḥa ñayivi. Joo ñamani naçaja Ndióxi xoho saḥa ña naçaja in túhún taa

naní Jesucristo cúú á in ñamaní cáhnu ndivaha ña ñéhe táhvi cuahá ndivaha ñayivi. ¹⁶ A cuú jácatáhan í cuachi ñacaja in dataa xihín ñamaní cája Ndióxi xoho jáchi saha in túhún cuachi naxinu cháhan jatá ñayivi ta já ñacasáhá xíhi na. Vatí ñandicuahá cuachi ñayivi joo ñacaja Ndióxi ñamaní xihín ná já ñandaja ndaa mé á na ta ñacachi a ña coó ga cuachi na nu mé á. ¹⁷ Sahá cuachi ñacaja in túhún taa naní Adán ñacasáhá xíhi ñayivi. Joo sahá ña ñacaja in túhún taa naní Jesucristo ñéhe táhvi yó ndoo mání uun cuachí nu Ndióxi. Jáchi cáhnu ndivaha ñamaní cája Ndióxi xoho ña cán queá ñéhe ndeé chága ín yó caca í íchi cuéntá Ndióxi sahá ña ñacaja Jesucristo.

¹⁸ Sahá cuachi ñacaja Adán ñacachi Ndióxi ña cómi tóco ndihi ñayivi cuachi nu á. Joo sahá ña ndaa ñacaja Jesucristo ñacachi Ndióxi ña ndá ñayivi ñacuu cuu nduu ndaa na nu mé á jáchi co cómi ga na cuachi nu á. ¹⁹ Sáa ñasahijn ini Adán jáchi coó ñaxeén da caja da ña cúni Ndióxi. Ta sahá ña ñacaja Adán cuahá ndivaha ñayivi ñanduu na ñayivi cuachi. Joo ñacaja Jesucristo tóco ndihi ña cúni Ndióxi ta xihín ña ñacaja in túhún taa Jesucristo ñanduu ndaa cuahá ndivaha ñayivi nu Ndióxi.

²⁰ Tá ñasahan Ndióxi ley nu Moisés já ñacandaa ini ñayivi ña cuaha chága cúú cuachi na. Joo tá ñandicuahá cuachi ñayivi já ñatahvi chága ini Ndióxi saha ná. ²¹ Ñandihvi cuachi ñuyíví ta ñasacomí a cuéntá sahá ñayivi. Ta sahá ña ñacaja na cuachi sahá ña cán queá ñacasáhá xíhi na. Joo ñacaja Ndióxi cuahá ñamaní xihín yó ta ñasacomí a cuéntá saha yó já ná cuu nduu ñayivi ndaa nu mé á ta já ná cuu cacu ndaa ínima yó anda ama cáa quivi sahá ña ñacaja Jesucristo, xitoho í.

6

Naxíhi yó nuú cuachi joo tácu yó xoo Jesucristo

¹ Ama ná cachi xih̄in táhan í: “Cóho caja tá caja í cuachi já ná coo cáhnu chága ini Ndióxi saha yo.” ² Ama ná cachi rí já jáchi cúu yo tátuhun na sa naxih̄i nuú cuachi ta tá sa naxih̄i yó nuú cuachi ama ná cacomí ga cuachi cuénta saha yo. ³ Tá nacandúta yo cuénta Jesucristo cúu á tátuhun in yó naxih̄i xih̄in Jesucristo. ⁴ Jáchi tá nacandúta yo já cúu á tátuhun in yó nanduxu xih̄in Jesucristo ta naxih̄i yó nuú cuachi. Ta tá najánditacu Ndióxi Jesucristo já cúu á tátuhun in yó nanditacu xih̄in mé á. Jáchi xih̄in ndée cáhnu Ndióxi, tátá yo nanditacu Jesucristo ta sa xih̄in mé ndée cán cuu caca í ichí saá viti.

⁵ Tá quiahva in nanduú xih̄in Jesucristo tá naxih̄i a quiahva já in nanduú xih̄in á tá nanditacu a. ⁶ Tá cámani cándeé iní Jesús já nacatóo ndivaha í cája í cuachi jáchi nasahnda cuachi chuun nu yo. Joo sahá ña naxih̄i Jesucristo ndica crúxu sahá ña cán quea najándacoo í cuachi cája í ta viti co sáhnda ga cuachi chuun nu yo. ⁷ Jáchi tá sa naxih̄i in dataa co sáhnda ga cuachi chuun nu dá ña cán quea cúu á tátuhun sa naxih̄i yó xih̄in Jesucristo sahá ña cán quea co sáhnda ga cuachi chuun nu yó viti. ⁸ Ta cúu á tátuhun naxih̄i yo tá naxih̄i Jesucristo ña cán quea xini vaha í ña cuhun yó coo í nu íin mé á anda ama cáa quivi. ⁹ Sa xini yo ña nanditacu tucu Jesucristo ta a ndícó coo ga quivi a jáchi ni in ñaha a cuú caja ña ná quivi tucu a. ¹⁰ In talaá tañu naxih̄i a sahá cuachí ta viti xih̄in chí nuu co ndítahan ga nu á quivi a sahá cuachí. Ta viti tácu Jesucristo cuénta Ndióxi. ¹¹ Ña cán quea ndítahan catacu ndó ñuyívi yóho tátuhun na sa naxih̄i nuú cuachi já ná a cáhnda ga cuachi chuun nu ndo. Ndítahan catacu ndó cuénta Ndióxi ña in ná nduu ndó xih̄in Jesucristo.

¹² Ña cán quea a quiahva ndó ñamaní nuú cuachi ña ná cacomí a cuénta sahá yiquí cuñu ndó jáchi tá ná ndiquiahva ndó mé ndó ndahá cuachi já quea caja ndó

cuachi ña xíca ini ndó caja ndó. ¹³ A ndíquiahva ga ndó yiquí cuñu ndó ndáha cuachi ná a cája ndó ña núu. Joo vaha chága ná ndiquiahva ndó yiquí cuñu ndó ndáha Ndióxi. Nasacuu ndó tátuhun in ndji nu Ndióxi jáchi nacaja ndó cuachi joo viti cúu ndó tátuhun ñayivi, na nanditacu tucu nacaja Ndióxi. Ndítahan ndiquahva ndó mé ndó ndáha Ndióxi ña ná caja ndó ña vaha. ¹⁴ Co cómi ga cuachi cuénta saha ndó viti jáchi tácu ndo sahá ñamani cája Ndióxi ta co tácu ndo sahá ña sácú vaha ndó ley Moisés.

Ndítahan nu yo ndicaxi ndá ichi candico yo

¹⁵ Ama ná caja rí cuachi sahá ña co cómi ga ley Moisés cuénta saha yo. Uhun. A cája toho í ña jáchi xihín ñamani cája Ndióxi xihin yo cánda iní ña cómi mé á cuénta saha yo. ¹⁶ Sa xini ndó ña ndíquiahva in mozo mé dá ndáha xitoho da ta cája da ndá chuun nacuu ña sahan xitoho da nu dá caja da. Ta viti cuu ndicaxi ndó ndá na cacuu xitoho ndó. Tá ná ndicaxi ndó caja ndó cuachi já quea cacuu ndó mozo ña quini ta cuhun ndó indayá. Ta tá ná ndicaxi ndó caja ndó ña cuni Ndióxi já quea cacuu ndó cuénta mé á ta caja mé á ña ná nduu ndaa ndó nu á viti. ¹⁷ Jihna nacaja ndó cuachi cuití va joo ndixahvi Ndióxi jáchi xihín ndinuhu ini ndó cája ndó ña ndaa, ña nacatiahva ndó cuénta Ndióxi. ¹⁸ Nandoo cuachi ndó ta co cúu ga ndó mozo cuénta cuachi viti. Nanduu ndó mozo cuénta Ndióxi ta cája ndó ña ndaa viti. ¹⁹ Najánaha i sahá in mozo nu ndó já ná cánda vaha chága ini ndó ña ndaa. Mé ndó nasacuu ndó tátuhun mozo jáchi jihna nandiquiahva ndó mé ndó ndahá cuachi ta mí cuachi nasacuu a tátuhun xitoho ndó. Nacaja ndó tá nuú ña núu, ña ncahvi ini ndó caja ndó. Joo viti nandiquiahva ndó mé ndó ndahá Ndióxi ta nasacu ini ndó caja ndó ña ndaa xihín ndinuhu ini ndó jáchi já cáni a nu ndó caja ndó ña ná cacuu ndó ñayivi yii nu mé á.

²⁰ Tá nasacu ndó mozo cuachi coó naxeén ndó caja ndó ña ndaa ña cúní Ndióxi. ²¹ Ni in ña vaha coó nañehe ndó saha cuachi nacaja ndó. Ta viti cácahan nuu ndo saha mé cuachi nacaja ndó. Ta ndá ñayivi sá cája cuachi cuhun na coo na indayá anda ama cúa quivi. ²² Joo co cómi ga cuachi cuénta saha ndo viti jáchi nanduu Ndióxi xitoho ndó. Vaha quehe ndó tá ná caja ndó ña cúní mé á jáchi já xinu coo ndó cacuu ndó ñayivi yii nu Ndióxi ta já cuhun ndó coo ndó xihin mé á anda ama cúa quivi. ²³ Jáchi tá cája í cuachi cúu á tátuhun ndíyíca yo nu Ndióxi sahá ña nacaja í ta ini indayá चाहví sahá. Joo ñamaní cája Ndióxi xoho sahá ña naxihi Jesucristo, xitoho í cúu á ña cohó catacú indivi xihin mé á anda ama cúa quivi.

7

Có cómi ga ley cuénta saha yo

¹ Candehé ndo ñani mí i, na cúu cuénta Jesús. Sa xini vaha ndó ley Moisés ta sa xini ndó ña cómi ley cuénta sahá ñayivi nani tácu cuití va na. ² Cúu á tátuhun tá natandaha in ñañaña xihin in dataa já quea cáchi ley cúu ña ñájíhí da anda ná xinu coo quivi quivi da. Joo cáchi mé ley ña tá sa naxihi da co cúu ga ña ñájíhí da. ³ Sahá ña cán quea cuu tandaha tucu ña xihín inga taa jáchi co sáhdá ga mé ley chuun nu ña. Ta co cája ña cuachi nu Ndióxi tá ná tandaha tucu ña jáchi sa naxihi va yii ña. Joo tá ná tandaha tucu ña nani tácu yii ña já quea cája ña cuachi nu Ndióxi.

⁴ Ta quiahva já ndóho ri ndóhó va ñani mí i, na cúu cuénta Jesús. Cúu á tátuhun naxihi ndó nu ley Moisés ña cán quea co cómi ga mé ley cuénta saha ndo. Ta viti núná nuú Jesucristo cacomí a cuénta saha ndo ña ná cacuu ndó cuénta mé a nanditacu tucu. Ta viti cuu caja í ña vaha, ña cúní Ndióxi. ⁵ Tá cámaní candeé iní Jesucristo nacaja í ndinuhu ña núu ña nasacahvi iní caja í. Vatí sa xini yó

ñā cáchí mé ley joo nācaja chāga yó cuachi ñā nācahvi iní caja í. Ñā cán quēa nanditahan nu yó quiví ná cūhun í ndoho iní indayá, nduu. ⁶ Joo nācaja Ndióxi ñā ná janí yó nuú ñā sáhdá ley Moisés ñā nasacomí cuéntá saha yó. Ta viti núná nu yó caja í ñā cúni mé á jáchi nandijama ínima yii Ndióxi mí sahá ñā cán quēa cō cómi ga ley, ñā nācahyí nā jihna cuéntá saha yó viti.

Cája tá cāja í cuachi vatí cāndeé iní Jesucristo

⁷ Á cúni cachi ñā yóho ñā a váha toho ley Moisés. Uñun. Ñā vaha cúu á jáchi xihín ñā cáhan mé ley cándaā vaha iní ndá a cúu cuachi. Já cáchí mé ley já: “A ndiáva toho ini ndó cacomí ndó ñaha cómi inga na”, cáchí a. Ñā cán quēa cándaā iní viti ñā a váha toho tá ná caja í já. ⁸ Tá ná a cóo toho ley, nduu já quēa a cándaā ini í ñā cúu cuachi. Ta cōó toho cuachi caja í tá cōó ley, nduu. Joo viti cándaā ini í ñā a váha toho ndiáva ini í cacomí í ñaha ñani táhan í jáchi cáchí ley a cāja í ñā. Ñā cán quēa nandihvi cuachi ini í ta nacasáhá cáhvi ini í ndaja caja í cacomí í ñaha inga na. ⁹ Tá cámani candaa ini í ñā cáchí ley Moisés já nācāhán í cúu u da vaha. Joo tá natandaa quivi natacu ini í xihín ñā cáchí ley Moisés anda jáví nācandaā ini í ñā núhu cuachi ini í ta nācandaā ini í ñā cúu u da cāja cuachi ta ndítahan nuú í cūhun í indayá sahá. ¹⁰ Tá ná cuu caja ñayivi tóco ndihi ñā cáchí ley Moisés já cūhun nā coo na nu íin Ndióxi anda ama cáa quivi. Joo cōó nācuu caja í ñā cáchí mé ley sahá ñā cán quēa nditahan nuú í cūhun í indayá sahá. ¹¹ Najándahvi cuachi yehe jáchi nācāhán í cuu cūhun í indiví sahá ñā cāja í ñā cáchí ley joo sahá ñā cōó nācuu xinu cōo í caja í ñā sahá ñā cán quēa cūhun í indayá.

¹² Ta yii ndivaha cúu ley Moisés. Ta yii ndivaha cúu tuhun nāsahnda Ndióxi caja í. Ta cúu á ñā ndaa ta cúu

á ña vaha. ¹³ Ama ná jáqueta nuu ley yehe ini indayá nani cúu á ña vaha. Uhun. A cúu cuití caja ley jáqueta nuu a yehe ini indayá. Cuachi quéa ndúcú chindahá yehe cuhun i indayá. Nañehe íní cuachi cañehe a yehe cuhun i indayá saha ley. Xihín ña yóho cándaa ini i ña quini ndivaha cúu cuachi ta vaha ndivaha cúu mé ley.

¹⁴ Sa xíni yo ña cúu ley cuéntá Ndióxi joo yehe cúu u in da cája cuachi ta cája i ña núu jáchi mé cuachi cómi a cuéntá sahá i. ¹⁵ Co cándaa ini i ña cája i jáchi cúni caja i ña vaha joo co cája i ña. Ña cája i quéa mé ñaha ña cándají i. ¹⁶ Tá cája i cuachi ña co cúni caja i já cándaa ini i ña vaha cúu ley. ¹⁷ Mé a ndaa co cúni caja i cuachi joo cuachi ndácaan ini i cúu á ña jácahan yehe cája i ña. ¹⁸ Sa xíni ña co ndeé yiquí cuñu i caja ña vaha jáchi coó ña vaha ndácaan ini i. Vatí cúni caja i ña vaha joo co sahan mé á caja i ña. ¹⁹ Cúni caja i ña vaha joo co cája toho i ña. Ña cája i cúu á ña núu ña co cúni caja i. ²⁰ Caja i ña co cúni caja i já cándaa ini i ña cuachi ndácaan ini i quéa chindahá nihni a yehe cája i ña núu.

²¹ Cándehé ndo ña yóho: Vatí cúni caja i ña vaha joo cája i ña núu jáchi ña cán cuití va xínu íní i caja i. ²² Janda ínima i xínu coo ña catóo i caja i ña cahan ley Ndióxi. ²³ Joo ndácaan inga ñaha ini i ta cáni táhan mé ñaha cán xihín xíní túní i. Ta mé ñaha ndácaan ini i cúu á cuachi. Ta cándéé cuachi xihín i já sáhdá a chuun nuú i.

²⁴ Ndáhví nahá nacuu u. Yo cuu jácau yehe ná a cája ga i cuachi ña cañehe yehe cuhun i indayá. ²⁵ Ndíquiahva i ndixahvi nu Ndióxi jáchi xihín ña nacaja Jesucristo, xitoho í cuu jácau Ndióxi yehe já ná a cája ga i cuachi. Ña cán quéa cándaa ini i ña ndítahan cája i ña sáhdá ley Ndióxi joo cuachi ndácaan ini i sáhdá chuun nuú i.

8

Ndíco í in íchi nu cája í ña cúní ínima yíi Ndióxi

¹ Ta sahá ña in nanduú xihin Jesucristo sahá ña cán queá a chinúu Ndióxi cuachi jata yo viti. Jáchí cō cája ga í ña xíca ini yiquí cuñu í. Ña cája í cúu ña cúní ínima yíi Ndióxi. ² Jáchí xihín ña ñacaja Jesucristo najácacu ínima yíi Ndióxi mí ta ñasahnu a cuachí já ná a cūhun yó indayá. ³ Coó ñacuu caja í tóco ndihi ña sáhdá ley Moisés ña cán queá coó ñacuu nduu ndaa yó nu Ndióxi xihin mé ley. Ña cán queá ñacaja Ndióxi inga ñaha tá nachindahá mé á Jesucristo, jahyi a. Nanduú Jesucristo in ñayivi ta tá quiahva cácu ñayivi quiahva já ñacacu Jesucristo ñuyívi. Ta tá naxihí mé á ndíca crúxu já nachahvi a saha tóco ndihi cuachí sahá ña cán queá cō sáhdá ga cuachi chuun nu yo. ⁴ Ta ñacaja Ndióxi ña yóho já ná cuu xinu coo í caja í ña sáhdá ley mé á tá ndáca ínima yíi Ndióxi mí. Jíin va caja í viti jáchí cō ndúu ga yó ndahá cuachi.

⁵ Ñayivi, ña cája ña xíca ini yiquí cuñu, ña cán cúu ña ndícani cuahá ini sahá yiquí cuñu. Joo ña cája ña cúní ínima yíi Ndióxi ña cán cúu ná ndúcú jácavatá ña Ndióxi. ⁶ Tá ná ndicani cuahá ini na sahá ña cúní yiquí cuñu na já queá cūhun ña indayá. Joo tá ná ndicani ini na sahá ña cúní ínima yíi Ndióxi já queá coo vaha ini na ta ñehe táhvi ná cūhun ña indiví. ⁷ Joo ñayivi ndícani ini saha yiquí cuñu, ña cán cúu ná ña ihvi Ndióxi jáchí cō cúní ña caja na ña cáchí ley Ndióxi ta ni a cuú caja na ña. ⁸ Sahá ña cán queá tá cómí cuachi cuéntá saha ná já queá a cuú caja na ña cájii ini Ndióxi xihin.

⁹ Ta tá mé a ndaa ndácaan ínima yíi Ndióxi ini ndó já queá cō ndíco ga ndó íchi cuéntá ña núu, ña ñasacaja ndó jihna. Ta viti ndíco ndó íchi vaha ta cája ndó ña cúní Ndióxi. Jáchí ndá ña cō ndácaan ínima Jesucristo ini, ña

cán cō cúú ná cuéntá mé á. ¹⁰ Tá ndácaan Jesucristo ini ínima ndo vaxi quivi quivi yiquí cuñu ndó sahá cuachi nacaja ndó. Joo mé a ndaa catacu ínima ndo nu ín Ndióxi anda ama cáa quivi jáchi nanduu ndaa ndó nu Ndióxi nacaja mé á. ¹¹ Nacaja ínima yii Ndióxi ña ná nditacu tucu Jesucristo ta tá ndácaan ínima yii Ndióxi ini ínima ndo já tandaa quivi caja mé á ña ná nditacu tucu yiquí cuñu ndó saha mé ínima yii Ndióxi ndícaan ini ndó.

¹² Candehé ndó ñani mí i, na cúú cuéntá Jesús. Cō ndítahan nu ndó caja ndó ña núu, ña xíca ini ndó caja ndó. ¹³ Jáchi tá ndinuhu ini ndó caja ndó ña núu, ña xíca ini ndó já queá ndítahan nu ndó cuhun ndó indayá. Joo tá xihin ndée ínima yii Ndióxi jándihi ndó sahá ña núu xíca ini ndó caja ndó já queá vaxi quivi cuhun ndó coo ndó xihin mé á anda ama cáa quivi.

¹⁴ Ndá na nandiquiahva mé ndáha ínima yii Ndióxi ña ná candaca a na, mé a ndaa táhyí cúú ná jahyi Ndióxi. ¹⁵ Nasahan Ndióxi ínima yii mé á nu ndo joo cō nasahan ña nu ndo ña ná catavi nihni a ndohó ta já quixi ña jáyihvi a ndohó. Nasahan Ndióxi ínima yii mé á nu ndo jáchi xihin ña yóho ndája Ndióxi ndohó jahyi mé á ta saha mé ínima yii yóho cáhan yó xihin Ndióxi ta cáchi yo: “Tátá maní i.” ¹⁶ Ta cáchi ínima yii Ndióxi xihin ínima yo ña mé a ndaa cúú yó jahyi Ndióxi. ¹⁷ Ta sahá ña cúú yó jahyi mé á sahá ña cán queá ñehe táhvi mí ví ndiquehé ña nacachi Ndióxi quiahva nu yo. Ta sa mé ña ñehe táhvi yo yóho tahnda java ña xihin Jesucristo. Tá ta mé a ndaa táhyí ndoho ini xihin á já queá tá nandihí cohó coo í xihin mé á indivi ta cán ndicáhnu í xihin á.

¹⁸ Cō a caja toho a tá ná ndoho ini í ñuyiví yóho jáchi vaxi quivi ndicáhnu ndivaha í xihin Jesucristo caja Ndióxi. ¹⁹ Tóco ndihí ña nacavaha mé á ndátí ndihí a ta ndiáva ín a ña ná tandaa quí quivi cachi Ndióxi ndá ñayivi cúú cuéntá

mé á. ²⁰ Nacaja Ndióxi ña ná ndoho ini tóco ndihi ña nacavaha mé á. Mé ñaha nacavaha Ndióxi co cuni a ndoho ini a joo sácú ini Ndióxi ña ná ndoho ini tóco ndihi ña nacavaha mé á. Ta ndáti tiahva ndihi ñaha ²¹ anda tandaa quivi caja Ndióxi ña jani ña já ná a cácomí ga cuachi cuénta sahá já ná a tíví ga ña. Ta ñúchí ndivaha mé quivi já tá cajji ini tóco ndihi ñaha nacavaha Ndióxi xihin tóco ndihi na cúu jahyi mé á. Jáchí a cácomí ga cuachi cuénta saha ná. ²² Sa xini yo ña janda sanahá ndivaha ta anda viti tána ndivaha tóco ndihi ña nacavaha Ndióxi ta ndóho ndivaha ini a tátuhun ndóho ini in ñáñaha tá ndúcú ndéé ña cacu jahyi ñá. ²³ Ta quiahva já ndóho ri ini mí ví. Ínima yji Ndióxi cúu ña sahan tiahva mé á nu yo já ná candaa ini ndá quiahva iin ña quiahva mé á nu yo chága chí nuu. Ta tána ndivaha í anda quiahva ná yaha ña ndóho iní. Ta ndátí tandaa quivi ndaja Ndióxi tóco ndihi mí ná nduú jahyi mé á já ná ndiquehé yiquí cuñu saá. ²⁴ Najácacu Ndióxi mí jáchí nacandeé ini mé á vatí coo naxini ña nacachi mé á quiahva nu yo. Tá xini cáxi yo in ñaha já candaa ini ña co xini ñúhú toho candatí quehé ña jáchí co xini ñúhú candatí ñaha cómi yo. ²⁵ Joo tá ná candatí in ñaha ña co xini yo já queá co ndíhi iní nani ndátí ña.

²⁶ Tá cávitá ini já chindeé ínima yji Ndióxi mí jáchí co tiáhva í ndaja caça tahví yo nu Ndióxi tá quiahva ndítahan caça tahví yó nu á. Joo sa mé ínima yji Ndióxi yóho tána ta cáhan xihin tuhun ña a cuú cahan yo. Já caja mé á tá xíca tahví a nu Ndióxi saha yo. ²⁷ Ta sa xini Ndióxi ña cáhvi ini ta sa xini a ña xíca tahví ínima yji mé á saha yo. Ña cuni Ndióxi caja saha yo ña jan queá xíca tahví ínima yji mé á saha yo, na cúu ñayivi cuénta mé á.

Ni in ñaha a cúu cahnu a mí tá cándéé ini Jesucristo

²⁸ Ta sa xíní yó ña tóco ndihi ña ndóho í ndaja Ndióxi ña ná nduu a ña vaha tá quíhvi iní mé á. Jáchí mí cúú yó na sa nasacu ini Ndióxi ña ná caja í ña cúní mé á.

²⁹ Ndá ñayivi naçaxi Ndióxi anda saha naçaxi a na ña ná nduu na tátuhun Jesucristo, mé á cúú jahyi Ndióxi. Jáchí cúní Ndióxi ña ná nduu Jesucristo jiní nuú ndihi na cúú cuéntá mé á. ³⁰ Ta naçana Ndióxi na naçaxi a ña ná candeé ini na mé á. Ta naçaja mé á ña ná nduu ndaa na nu á. Ta vaxi quívi caja mé á ña ná ndináhnu ndihi na cán xihín á.

³¹ Ndía cachí sahá ña yóho. Ni in túhún ñaha a cúu cani táhan xoho ta ni a cúu quee vaha xoho jáchí cuahan Ndióxi xoo í. ³² Ta coó naçajíhnda Ndióxi jahyi a jáchí nandiquiahva Ndióxi Jesucristo, jahyi a ña ná quivi a saha yo. Xihín ña yóho cándaa iní ña co ndáhví cúú ini a quiahva tóco ndihi ñaha nu yo. ³³ Yo já cuu chícaan cuachi jatá na naçaxi Ndióxi. Ni in ñayivi a cúu chícaan cuachi jatá na jáchí sa mé Ndióxi nandaja mé á na ñayivi ndaa nu á. ³⁴ Yo já cuu jácojo cuachi jatá na cúu cuéntá mé á. Ni in ñayivi jáchí na xihí Jesucristo saha yo. Nanditacu tucu a ta iin coo a xoo cuáha Ndióxi indiví xíca tahví a nu Ndióxi saha yo. ³⁵ Yo já cuu caji nuu nu Jesucristo quíhvi ini a mí. Ni in ñaha a cúu caja ña jándacoo Jesucristo ña quíhvi ini a mí. Vatí ná ndoho ndivaha iní ta vatí ná quixi ña yíhvi yo ta vatí ná ndicuíta na caja xíxi na xoho ta vatí ná quixi joco ta vatí janda jáhma yo ná ndimani ta vatí tondóhó vaxi nu yo á ñayivi ndúcú cahní mí joo ni in ña yóho a cúu caji nuu a nu Jesucristo ña quíhvi ini a mí. ³⁶ Já cáhí tuhun Ndióxi já:

Saha Ndióxi sácú ini ñayivi cahní na ndehe ndijáá ní quívi.

Tá quiahva cája na xihín ndicachi, rí cuhun quivi quiahva já cája na xihín nde, cáhí tuhun Ndióxi.

³⁷ Vatí ndóho í tóco ndihi ña yóho joo quee vaha tá quee vaha í caja Jesucristo jáchi quíhvi ini a mí. ³⁸ Sa xini vaha i ña ni in ñaha a cuú caja tavá mí ndáha Jesucristo, mé a quíhvi ini mí. Ta coó a caja toho a á tácu yo á sa naxihí yo. Ni táto Ndióxi ni ña sáhdá chuun nuú ñayivi ta ni ña ndóho iní viti ni ña ndoho iní chí nuu ³⁹ ta ni in ñaha ín indiví ta ni in ñaha ín tixi ñúhu ta ni in ñaha nacavaha Ndióxi a cuú tavá mí ndáha Ndióxi, mé a quíhvi ini mí. Ta najánaaha Jesucristo, xitoho í nu yo ña quíhvi ndivaha ini Ndióxi mí.

9

Ñayivi naquixi chichi Israel cúu na nacaxi Ndióxi

¹ Ña ndaa cúu ña cáhan i xihin ndó viti ta co cávaha i ña tuhún jáchi cúu u cuénta Jesucristo. Sáhdá ínima yii Ndióxi chuun nu xini túní i sahá ña cán quea co cáhan i ña tuhún. ² In cuéha ndivaha ini i ta já táhvi ndivaha ini i sahá na Israel. ³ Mé a ndaa cuni yehe chindeé e na naquixi chichi nuú naquixi mí i ña ná candeé ini na Jesucristo. Ta janda ín tiahva i cacuu u da chícaan na cháhan jata tá ta xihin ña yóho cuu cacu ndaa ínima ná. Joo a cuú caja i ña. ⁴ Mé na cán naquixi na chichi Israel ta nacaxi Ndióxi na já ná nduu na ñayivi cuénta mé á. Najánaaha Ndióxi nu ná ndá quiahva cáhnu cúu mé á. Ta nasahan tuhun a nu ná ña nasacu ini a caja saha ná. Nasahan Ndióxi ley Moisés nu ná ta najánaaha mé á na ndaja ndítahan nu ná caja cáhnu na mé á. Nacaxi tuhun a xihin ná sahá ñamani caja mé á xihin ná chí nuu. ⁵ Ta ñayivi Israel naquixi na chichi na nasanduu sanahá. Ta nacacu Jesucristo chichi mé na cán ta nanduu a in ñayivi. Chí anda ama caa quivi ná caja cáhnu yó Jesucristo, mé á cúu Ndióxi, mé á cómi cuénta saha tóco ndihi ñaha. Já ná coo.

⁶ A juú cāhán ndo ña cōó najáxinu Ndióxi tūhun a nasahan nuú na Israel. A juú ndihi ñayivi jan cúú na cuéntá Ndióxi vatí ñaquixi na chichi Israel. ⁷ A juú tóco ndihi na ñaquixi chichi Abraham cúú ná cuéntá Ndióxi jáchi janda saha ñacachi Ndióxi xihin dá: “Ñayivi cuaha quixi chichún cacuu na jahyi Isaac”, cáchi a xihín Abraham. ⁸ Ña yóho cúní cachi a ña ni in tūhún ñayivi cō cúú ná jahyi Ndióxi sahá ña ñaquixi na chichi Abraham. Na cúú ndusa jahyi Ndióxi cúú ná ñaquixi chichi Isaac jáchi cuéntá Isaac najáxinu cōo Ndióxi tūhun nasahan nu Abraham. ⁹ Sanahá ndivaha nasahan Ndióxi tūhun a nu Abraham já cáchi a já: “Xinu cuiá já quixi tucu u ta cacu jahyi ña ñájihún, Sara.”

¹⁰ Candehé ndo ná ndicani i nu ndo ña nayaha chága chinuu. Isaac, da cúú tásáhnú jícó yo nasacuu da tátá ndíví ña valí jahyi Rebeca. ¹¹ Tá cámani cacu ña cuatí jahyi na já nasacu ini Ndióxi caxi a in a ta cacu xóo a inga vatí a ñaha caja ndíví ña valí ni ña vaha ni ña núu. Já nasacu ini a caja ¹² ta já ñacachi a xihín Rebeca: “Jahyún, da cacu chí ivi cahnda chuun nuú da cacu nu cuítí.” ¹³ Ta já cáchi tucu tūhun Ndióxi já sahá jahyi Rebeca: “Ñacaxi i Jacobo, da ñacacu chí ivi caja i ñamani xihín dá joo nasacu xóo i Esau, da ñacacu nu cuítí.” Já ñacaja Ndióxi jáchi já nasacu ini a caja.

¹⁴ Ama ná cachi rí ña cō cája ndaa Ndióxi. A cáchi toho í já. ¹⁵ Já ñacachi Ndióxi xihín Moisés sanahá: “Tahvi ini i sahá ñayivi joo mí i caxi i yo tahvi ini i saha. Ta tahnda ini i sahá ñayivi, joo mí i caxi i yo tahnda ini i saha”, ñacachi Ndióxi sanahá. ¹⁶ Ña cán queá cō cája Ndióxi ña cúní ñayivi ta a cúu caja ndúsa ñayivi xihín á ña ná tahnda ini a saha ná jáchi táhnda ini a sahá ñayivi, na cúní mé á tahnda ini a saha. ¹⁷ Já cáchi tūhun Ndióxi já xihín da cúú rey nuú nación Egipto: “Nandaja i yohó rey jáchi

cúni jánaha i nuun ña cuu cája i tóco ndihi ñaha tá cúni já ná candaa ini tóco ndihi ñayivi ndúu ñuyívi ña cáhnu ndivaha cúu yehe”, nacachi Ndióxi. ¹⁸ Ña cán quea tá cúni Ndióxi tãhnda ini a sahá ñayivi já cuu tãhnda ini a saha ná. Ta tá cúni a ndaja táhyi a ínimã ná já cuu ndaja táhyi a ña.

¹⁹ Joo a cuú cachí ña co cája ndaa Ndióxi tá cáchí a ña cómi yo cuachi. Vatí sácú ini Ndióxi ña caja in in ñayivi joo co chindahá a na caja na cuachi. ²⁰ Co ndítahan nuú ñayivi ndaja ndichi na Ndióxi sahá ña cája mé á. Jáchi sa xini yo ña co ndítahan nuú in quiji cachi a xihín da cávaha ñaha: “Co cátóo i coo i tá quiahva nacavaha ndó yehe.” ²¹ A cuú cachi quiji cán já jáchi mé da cávaha quiji cán, cávaha da ña tá quiahva cúni mé dá. Xihín in mbohla loho ñuhú quiji cuu cávaha da in quiji cacuu a javí á in quiji cuéntá yávi núhu.

²² Ta quiahva já cája Ndióxi xihín ñayivi. Ín tiahva mé á jánaha nu ná ña xójo ndivaha ini a sahá cuachi na. Ta ín tiahva mé á jánaha nu ná ña cuu caja mé á tóco ndihi ñaha. Joo nacaja ndeé ini Ndióxi ta nasandati a jándoho a ini ñayivi vatí nanditahan nu ná ndoho ini na sahá cuachi na. ²³ Mé a ndaa tãhnda ini Ndióxi sahá ñayivi ta cúni a jánaha nu ná ña cáhnu ndivaha cúu mé á ta cúni a jánaha nu ná ndá quiahva quíhvi ini a na. Anda sanahá ndivaha sácú ini a jánaha nu yo ndá quiahva cáhnu cacuu yó nu mé á. ²⁴ Nacaxi a ñayivi tañu na naquixi chichi Israel ta nacaxi mé á ñayivi tañu na coó naquixi chichi Israel. Ta mí cúu yó na nacaxi a. ²⁵ Já nacachi Ndióxi já sanahá ta já nacahyí Oseas ini tuhun Ndióxi:

Tandaa quivi caxi yehe ñayivi, na co cúu cuéntá mí i ta ndaja i na cuéntá mí i.

Ta na coó naquihvi ini i jihna quíhvi ini i na viti.

²⁶ Ta sa mé nu ndúu ñayivi, na coó nasacuu cuéntá Ndióxi,

cán cūhūn mé á caxi a nā ta caja ñā ná nduu na cuéntá mé á jáchi cúú á in Ndióxi tácu, já cáchí tūhun mé á.

²⁷ Ta sahá nā naquixi chichi Israel já nacachi Isaías: “Vatí ndícuahá ñayivi Israel tá quiahva cuahá ñutí yuhú tañuhú joo chá va cacuu nā cacu ndaa ínima. ²⁸ Jáchi jonáá va jáxinu cōo Ndióxi tūhun a ta andā jáví caja víí a saha tóco ndihi ñayivi ndúu ñuyíví”, nacachi Isaías. ²⁹ Ta já nacachi tucu Isaías já sanahá:

Tá quiahva nacaja Ndióxi najándihi a sahá ñayivi ñuu Sodoma xihín ñuu Gomorra quiahva já caja Ndióxi jándihi a saha yō, nduu.

Joo sahá ñā natahvi ini Ndióxi sahá nā Israel sahá ñā cán queá cōó najándihi a saha ná, já cáchí tūhun Ndióxi.

Ndítahan nuú nā Israel candeé ini na Jesucristo

³⁰ Ñā cán queá ndícani i nu ndo sahá ñayivi, nā cōó naquixi chichi Israel. Cō ndínducú nā nduu ndaa nā nu Ndióxi joo tá nacasáhá nā candeé ini na Jesucristo já nacaja Ndióxi ñā ná nduu ndaa nā nu mé á. ³¹ Joo ñayivi Israel cája na ñā sáhndá ley Moisés xihín ndinuhu ini na jáchi cáhán nā cuu nduu ndaa nā nu Ndióxi sahá ñā sácú vaḥa na ley Moisés. Joo cōó nacuu nduu ndaa nā nu Ndióxi xihín ñā yóho. ³² Já nandoho nā Israel jáchi nanditahan nu ná candeé ini na Jesucristo. Xihín ndinuhu ini na cája na ñā cáchí ley joo cōó nacuu nduu ndaa nā nu Ndióxi xihín ñaha cája na. Ñā cán queá cúú ná tátūhun in nā nacachihin saha xihín yuu cáhnu. ³³ Jáchi cáchí tūhun Ndióxi ñā cúú Jesucristo tátūhun yuu cáhnu nu cáchihin sahá ñayivi. Já cáchí tūhun Ndióxi já:

Nasacu yeḥe in yuu tóto cáhnu ñuu Sión ta xihín yuu cáhnu cán cuahā ná cachihin saha.

Joo ndá nā ná candeé ini mé a nachindahá i, nā cán cúú ná nā a cácahan nuu, já nacachi tūhun Ndióxi.

10

¹ Cuni joho vaha ndó, ñani i, na cúu cuéntá Jesús. Jáchí ndinuhu ini i xíca tahví i nu Ndióxi sahá ñayivi Israel ña ná candeé ini na Jesús já ná cuu jácacu Ndióxi na nuú cuachi na. ² Mé a ndaa ná cahān i xihín ndo ña cāja cáhnu na Israel Ndióxi xihín ndinuhu ini na joo cō cándaā cáxí ini na ña cúni Ndióxi caja na. ³ Jáchí cō xíni na ndaja cāja Ndióxi ña ná nduu ndaa ñayivi nu mé á sahá ña cán queā ndúcú na nduu ndaa na nu mé á xihín ña cāja mé va na. Ta cō cúni na ndiquiahva na mé ná ndáha Ndióxi ña ná caja na ña nasacu ini mé á caja na. ⁴ Cō xíni na ña naquixi Jesucristo ta naxihi a saha yo já najáxinu cō a caja ña cáchí ley ña ná nduu ndaa tóco ndihi na candeé ini mé á.

⁵ Sanahá ndivaha naçahyí Moisés sahá ñayivi, na cúni nduu ndaa nu Ndióxi xihín ley Moisés. Já cáchí a já: “Ndá na cō cómi cuachi nu Ndióxi, na cán cuu nduu ndaa nu mé á ta jácacu a na”, já naçahyí da. ⁶ Joo tá ná jácacu Ndióxi mí sahá ña candeé ini mé á já queā cō xíni ñúhú cūhun yo indivi jánuu í Jesucristo ña ná nuu a chindeé a mí jáchí sa naçaja mé á ña. ⁷ Ta cō xíni ñúhú cūhun yo nu ndúu ínima ndii ña ná ndiquehé Jesucristo tañu na sa naxihi jáchí mé Jesucristo sa nanditacu tucu a. ⁸ Cō xíni ñúhú cūhun xíca nahá yo ndinducú yo Jesucristo jáchí ín yati ndivaha mé á nu yo jáchí ín a xoho. Ta mé tuhun cáhan nde yóho cúu á tuhun cáhan saha Jesucristo já ná candeé ini ndó mé á. ⁹ Ta tá cachún ña cúu Jesús xitohún ta tá cándúsún xihín ndinuhu ínimum ña najánditacu Ndióxi Jesús tañu na naxihi já queā cuu cacu ndaa ínimum. ¹⁰ Jáchí tá candeé ini ñayivi Ndióxi xihín ndinuhu ini na já nduu ndaa na caja Ndióxi. Ta tá cáhan na xihín java ga ñayivi ña candeé ini na mé á já queā cuu cacu ndaa ínima ná.

¹¹ Já cáchí tuhun Ndióxi já: “Ndá na ná candeé ini Jesús a xínu toho quivi cahán na ña najándahvi Ndióxi na.” ¹² In

cúu tóco ndihi ñayivi nu Ndióxi. Tá quiahva jácacu Ndióxi na naquixi chichí Israel quiahva jácacu a na coo naquixi chichí Israel. Jáchi sa mé Ndióxi cán cúu Ndióxi nu tóco ndihi ñayivi ta co ndáhví cúu ini a quiahva ñaha nuú na xíca tahví nu mé á. ¹³ Já cáchí tuhun Ndióxi: “Ndá na ná cacá tahví nu Ndióxi ña ná chindeé a na, na cán cacu ndaa ínimá.” ¹⁴ Ta ndaja caja na cacá tahví na nu Jesús tá ta cámaní candeé ini na mé á. Ta ndaja caja na candeé ini na mé á tá a ñaha cuni johó na tuhun vaha cáhan saha Jesús. Ta ndaja caja na cuni johó na tuhun vaha saha Jesús tá cámaní cuhun in na caxi tuhun na ña nu ná. ¹⁵ Ta ndaja caja na cuhun na cahan na tuhun Ndióxi xihin ná tá ta co íin in na chindahá na cuhun na. Já cáchí tuhun Ndióxi já: “Ndaja núchí chá tá xínu coo na ñéhe tuhun vaha saha Ndióxi ña ná coo vaha í xihin mé á.”

¹⁶ Joo a juú ndihi ñayivi cándusa tuhun Ndióxi. Ña yóho cúu á tá quiahva nacachi Isaías: “Ndióxi, mé ndó cúu ndó xitoho nde. Chá cuití ñayivi cándusa tuhun nacahan nde xihin ná.” ¹⁷ Jáchi jihna ñuhú cáhan na tuhun vaha saha Jesucristo nuú ñayivi ta xihín ña xíni johó na cán jáxínu ini na xihin á. Andá jáví cásáhá na candeé ini na mé á ta cája na ña cuni a.

¹⁸ Á sa naxini johó na tuhun vaha cáhan saha Jesús. Ajan. Sa naxini johó na ña. Jáchi já cáchí tuhun Ndióxi já:

Nasahan na cahan na tuhun Ndióxi nuú ñayivi,
ta níí cúu sahá ñuyíví naxínu tuhun cáhan na, já cáchí
tuhun Ndióxi.

¹⁹ Á nacandaa ini ñayivi Israel ña yóho. Ajan. Cándaa vaha ini ná ña. Jáchi já nacahyí Moisés sanahá:

Ndióxi queá nacachi a: Caja i ña ná candúsa na tóho yehe
já ná cahíhvi ini na Israel.

Ta cojo ini na xihín na tóho sahá ña cája i ña ná candúsa mé na tóho cán yehe, nacachi tuhun Ndióxi.

²⁰ Xihín ña yóho nasahan ndeé ini Isaías cahyí da ña nacachi Ndióxi tá nacachi a já:

Mé na co ndínducú yehe, na cán cúu na nandiñehé yehe. Ta najánaha i mí i nu ná vatí coó nandaca tuhun na sahá i, nacachi tuhun Ndióxi.

²¹ Joo já nacachi Ndióxi sahá ñayivi Israel: “Ní tiempo cúní ndiquehe vaha i ñayivi Israel joo co cúní na quixi na nuú i jáchi sáá ini na ta co cúní na caja na ña cúní”, nacachi tuhun Ndióxi.

11

Cája Ndióxi ñamaní xihín ñayivi Israel

¹ Ta viti ná ndaca tuhún i ndohó ña yóho: Á cáhán ndo ña najándacoo ndáha Ndióxi ñayivi Israel. A juú ña ndaa cúu á jáchi sa mé yehe cúu u da Israel, da naquixi chichi Abraham ta naquixi i chichi Benjamín, da nasacuu jahyi ñání jícó Abraham. ² Janda mé saha nacachi Ndióxi ña nacaxi mé á na Israel cacuu na cuéntá mé á ta co cándají a na viti. Sa xini ndó ña nacachi tuhun Ndióxi sahá da nasacuu profeta Elías. Mé da yóho tá naxica tahví da nu Ndióxi já najácojo da cuachi jatá na Israel. ³ Já nacachi da já: “Cádehé ndo Ndióxi, xitoho i. Sa nasahní na profeta cuéntá mé ndó ta nandicani na nu náa ndo. Ta viti nú laá in túhún yehe cuití va cája ña sáhdá ndo. Ta ndúcú na cahní na yehe”, já nacachi Elías xihín Ndióxi.

⁴ Ta já nacachi Ndióxi xihín dá: “A juú in tálaá yóho cája ña cúní jáchi ndúu yii va usa mil taa cája ña cúní ta coó nacaxítí na nuú tiniñu yúú Baal”, nacachi Ndióxi xihín dá.

⁵ Quiahva já iin a viti. Ndúu chá na cája ña cúní Ndióxi jáchi nacaja Ndióxi ñamaní xihín ná ta nasacu ini a jácacu a na. ⁶ Nacaxi Ndióxi na jáchi natahvi ini a saha ná. Coó

naşacu a sahá ña naçaja na jáchi tá ná cacuu a sahá ña cája na já cō cúú ga ñamaní Ndióxi ta ña yóho cúú ña cúní Ndióxi caja.

⁷ Ña cán queá cuahá ndivaha ñayivi Israel cōó nanduu ndaa na nu Ndióxi sahá ña naçaja na jáchi nandaja táhyí na ínima ná. Joo na naçaxi Ndióxi, na cán cúú na nanduu ndaa nu mé á. ⁸ Já cáhí tuhun Ndióxi já: “Cō cúní na candúsa na Ndióxi sahá ña cán queá naşaji Ndióxi xíní túní ná chí in ndeé. Ta quiahva já ndaa na janda víti jáchi cō cánda ini na ña cáhan Ndióxi xihin ná.” ⁹ Já naçahí David sañahá:

Ná çahán na ña cuahan vaha na ichí Ndióxi sahá cuahá ñaha cómi na,
ta ná ndoho ini na sahá cuachi cája na.

¹⁰ Ta ná cuaá na já ná a cúní na,

ta ná nditojo jata ná ní tiempo sahá ña vee ndójo na, naçachi David.

Jáçacu Ndióxi na cōó naquixi chichi Israel

¹¹ Ta viti ná ndaca tuhún i ndohó ña yóho: Á cáhán ndo ña a cuú çacu ndaa ínima na Israel. A juú ña ndaa cúú á. Jáchi vatí sáá ini na Israel ta vatí cō cúní na candeé ini na Jesús joo xihín ña naçaja na yóho nanuna nuú na tóho cuní johó na tuhun vaha saha Jesús ta já cuu çacu ndaa ínima ná nu mé á. Ta sahá ña yóho casahá na Israel cahihvi ini na xihín na tóho. ¹² Naçaja Ndióxi cuahá ñamaní xihin tóco ndihi na tóho jáchi naçaja ña ná cuu ndihvi na íchi cuéntá mé á sahá ña najándacoo na Israel íchi cuéntá mé á. Joo cuaha chága ñamaní caja Ndióxi xihin tóco ndihí tá ná xinu quivi ndiquehe na Israel íchi cuéntá mé á.

¹³ Joo ín in ñaha ña cúní çahan i xihin ndo, na tóho. Ndióxi queá nachindahá yehe tañu ndohó, na cōó naquixi chichi Israel ta chuun cáhnu ndivaha queá ndójo i xíní i.

¹⁴ Jáchi ña cúní mí i queá ná cahihvi ini na Israel xihin

ndo sahá tuhun Ndióxi ta já ná ndinducú mé ná Ndióxi já ná caçu ndaa ínima na Israel nu Ndióxi jáchí mé ná cúú ná chíchi nuú naquixi mí i. ¹⁵ Nasacu xóo tóo Ndióxi na naquixi chíchi Israel jáchí nasacu ini a jándique táhan máni á tóco ndihi ñayivi ndúu ñuyívi xihín mé á. Ta tá ná xinu quívi casáhá na Israel ndiquehe na tuhun Ndióxi cacuu a in ñaha ñúchí ndivaha. Cacuu a tátuhun casáhá nditacu tucu na jáchí viti cúú ná tátuhun na naxihi jáchí coó naxeén na ndiquehe na tuhun Ndióxi. ¹⁶ Abraham nasacuu da cuéntá Ndióxi ña cán queá jahyi da, na nacacu chíchi da cúú ná ñayivi cuéntá Ndióxi. Abraham, da cúú cuéntá mé á cúú dá tátuhun yóho in yitó olivo. Ta ñayivi nacacu chíchi da cúú ná cuéntá mé á ta cúú ná tátuhun ndáha mé yitó olivo cán.

¹⁷ Cúú á tátuhun nasahnda Ndióxi java ndáha, dó vaha ta nachitivi ndaa mé á ndáha yitó olivo yúcu mé nuú nasahijn ndáha cán. Ta viti quiahva dó ndée nu ndáha yitó olivo yúcu cán ña ná catacu dó. Quiahva já nacaja Ndióxi nasacu xóo a na Israel ta nacaja mé á ñamaní xihín mé ndó, na tóho já ná nduu ndó cuéntá mé á. Ta viti cája Ndióxi cuahá ñamaní xihín ndo tá quiahva cája xihín na Israel. ¹⁸ Joo ndóhó, na cúú na tóho a cáhan ndo ña vaha chága mé ndó a juú ga na Israel. Co ndítahan cahán ndo já. Co cúú ndó tátuhun yohó yító jáchí cúú ndó tátuhun ndáha do. Ta tá co yóho dá já queá a cúu catacu ndáha do. Sahá ña cán queá co ndítahan caja cáhnú ndó mé ndó.

¹⁹ A váha cahvi ini ndó ña náhnú chága mé ndó nu Ndióxi a juú ga na Israel sahá ña nasacu xóo mé á na Israel ta nasuná a íchi nu ndóhó candee ini ndó mé á. ²⁰ Cándehe ndo. Nasacu xóo Ndióxi na Israel sahá ña coó nacandee ini na mé á ta nandacaxi a ndóhó sahá ña cándeé ini ndó mé á ña cán queá co ndítahan caja cáhnú ndó mé ndó. Ña ndítahan caja ndó queá cayihví ndo Ndióxi. ²¹ Xíní ñúhú

ndicuhun ini ndó ña cuu jácaxoo tucu Ndióxi ndohó. Coó natahnda ini a jándacoo xóo a na Israel, mé na nacaxi á. Sahá ña cán queá cachí ga ví mé ndó, na tóho ndaa náha caja Ndióxi cacu xóo tucu a ndohó. ²² Candehé ndo jáchi táhvi ini Ndióxi sahá ñayivi tá cándéé ini na mé á joo cuehe ndivaha mé á xihín na sáa ini. Ña cán queá tá co cándéé ini ndó mé á ta ni co quihvi ini ndó a já cacu xóo a ndohó tá quiahva nacaja xihín na Israel. ²³ Joo tá ná ndihvi na Israel íchi Ndióxi cándéé ini na mé á já queá ndiquehe tucu Ndióxi na jáchi cuu caja mé á tóco ndihi ñaha. ²⁴ Nandiquehe Ndióxi ndohó vatí nasanduu xíca ndó nu á ta nandaja mé á ndohó cuéntá mé á vatí cúu ndó na tóho. Mé ndó cúu ndó tátuhun ndáha yító olivo, dó yúcu, dó nachitivi ndaa Ndióxi tóco dó vaha. Ta ña yóho queá a cúu coo já, nduu. Joo nacaja Ndióxi já xihín ndo. Ta ndaa náha cuu caja tucu Ndióxi xihín na Israel ña ndiquehe tucu a na ta cacu tucu a na nu ndahá yító olivo, dó vaha nuú nasandaa na jihna.

Vaxi quivi tá cándéé ini na Israel Jesús

²⁵ Ñani mí i, na cúu cuéntá Jesús. Cúni ña ná candaa ini ndó ña nasacu ini Ndióxi caja chága chí nuu já ná a cája cáhnu ndó mé ndó. Cuahá na Israel nandaja táhyi na ínimá ná ta co cúni na ndiquehe na tuhun Ndióxi. Joo tá sa nandiquehe ndihi na tóho, na nasacu ini Ndióxi jácacu a anda jáví casahá na Israel ndiquehe na tuhun Ndióxi. ²⁶ Anda jáví cacu ndaa ínimá ndihi na Israel. Ta já cáchí tuhun Ndióxi sahá ña yóho:

Ñuu Sión quixi in da jácacu ñayivi Israel,
na naquixi chichi Jacob ná a cája ga na cuachi.

²⁷ Ta jándoo i cuachi nacaja na,
tá quiahva nacachi i xihín ná caja i, cáchí Ndióxi.

²⁸ Tiempo viti cuahá ndivaha na Israel co cúní na tuhun vaha saha Jesús sahá ña cán queá co cúní na Ndióxi. Joo cája na ña yóho ña ná nuná nu ndóhó, na tóho já ná cuu candeé ini ndó Ndióxi. Vatí cája na Israel ña yóho joo quíhvi ini tá quíhvi ini Ndióxi na sahá tuhun nasahan nu tásáhnú jícó na. ²⁹ Tá sahan Ndióxi ña cáhí a quiahva nu yo já queá co ndímaní mé á nuú tuhun a ta co ndícó coo a cándaá ña sahan nu yo. Ta ni co ndícó coo ini a tá sa nandacaxi a mí. ³⁰ Sáa nasahin ini ndóhó, na tóho sanahá joo viti nacaja mé á cuahá ñamaní xihín ndó sahá ña sáá ini na Israel. ³¹ Ta vatí sáá ini na Israel viti joo xihín ña yóho núná nu ndóhó, na tóho ndiquehe ndó ñamaní Ndióxi. Joo vaxi quívi tá tahvi ini Ndióxi sahá na Israel tá quiahva natahvi ini a saha ndóhó, na tóho. ³² Nachicaji Ndióxi xíní túní na Israel xihín na tóho ña ná nduu na na sáá ini. Nacaja Ndióxi ña yóho já ná cuu tahvi in nuú ini a saha tóco ndihi ñayivi.

³³ Cáhnu ndivaha cúu tóco ndihi ñaha Ndióxi. Ndíchí ndivaha jiní mé á ta cándaá ini a tóco ndihi ñaha. Ni in ñayivi a cuú ndicani na ña cáhvi ini Ndióxi. Ta ni in na a cuú candaa ini ña cája Ndióxi. ³⁴ Já cáhí tuhun Ndióxi já: “Ni in ñayivi a cuú candaa ini na ña cáhvi ini Ndióxi. Ta ni in ñayivi a cuú jácahan na mé á caja ña ndítahan caja. ³⁵ Coó ñayivi cája ñamaní xihín Ndióxi ña ná ndaca na ña nu mé á”, cáhí tuhun Ndióxi. ³⁶ Jáchí Ndióxi queá nacavaha tóco ndihi ñaha ta ndúu a saha mé á ta ndúu a cuéntá mé á. Andá ama cáa quívi ná caja cáhnu í Ndióxi. Já ná coo.

12

Tácú yo caja chúun í cuéntá Ndióxi

¹ Natahvi ini Ndióxi saha ndó, ñani mí i, na cúu cuéntá Jesús. Sahá ña cán queá xíca tahví i nu ndo ña ná

ndiquiahva ndó mé ndó ndáha Ndióxi já ná cacuu a tátuhun joco ndó mé ndó nu Ndióxi. Ta caja ndó tóco ndihi ña cuni Ndióxi caja ndó ña ná cajii ini a. Jáchi xihín ña yóho náha ña mé a ndaa táhyí cája cáhnu ndó Ndióxi ta ña yóho cúu á ña ndítahan nu ndó caja ndó. ² A cája ga ndó ña núu ña cája ñayivi ñuyívi. Quiahva ndó ñamani nu Ndióxi ña ná ndaja víi a xíní túní ndo. Anda jáví candaa ini ndó ña cuni mé á caja ndó. Ta xihín ña yóho cuu caja ndó ña vaha ta cuu caja vatá ndó ini mé á ta cuu caja ndó ña cuni mé á xihín ndinuhu ini ndó.

³ Nacaja Ndióxi ñamani xihín i tá nacaxi a yehe. Ña cán queá cahan i xihin ndihi ndó ña co ndítahan cahan ndo ña cúu ndó na náhnu ndivaha joo ná cahvi ini ndó ña ndaa saha mé va ndó. Ña ndítahan caja ndó queá coto ndojó ndo mé ndó jáchi nasacu ini Ndióxi ña ná candee ini ndó mé á já ná cuu caja ndó ña cuni a. ⁴ Candehé ndó tá quiahva ín yiquí cuñu í. In túhún cúu yiquí cuñu í joo cuahá nuú ñaha ndáca ta sa jíin sa jíin chuun cája in in ña ndáca yiquí cuñu í. ⁵ Quiahva já ín tóco ndihí, na cúu cuéntá Jesús. Sa jíin sa jíin chuun cája in in í joo in va cúu yo xihin Jesucristo. Ta sa jíin sa jíin chuun cája in in í.

⁶ Sa jíin sa jíin chuun nasahan Ndióxi nuú in in í caja í ta mé á nasacu ini a ndá chuun queá quiahva nuú in in í. Saha ña cán queá tá nasahan Ndióxi chuun nu ndó jáyaha ndó tuhun mé á nuú ñayivi, caja ndó ña xihin ndee mé á jáchi candeé ini ndó a. ⁷ Ta tá nasahan Ndióxi chuun nu ndó ña ná chindeé ndó ñayivi já queá ndítahan nu ndó chindeé vaha ndó na. Ta tá nasahan Ndióxi chuun nu ndó jánaha ndó ñayivi já queá ndítahan nu ndó jánaha vaha ndó na. ⁸ Tá ta nasacu Ndióxi ini ínima ndo quiahva ndó tuhun ndee ini na, caja ndó ña xihín ndinuhu ini ndó. Ta ndá ñaha jásá ndo nuú ñayivi xíní ñuhú cajii ini ndó jásá ndó ña. Ta ndá ndó ndójo chuun xíní ñuhú coo cuéntá vaha

ndó xihín chuun ndójo ndó. Ta ndá ndó cátoó chindeé ñayivi ná cajii ini ndó chindeé ndó ña.

Ña ndítahan caja na cúu cuéntá Jesús

⁹ Xihín ndinuhu ini ndó quihvi ini táhan ndó. Candají ndó ña núu ta caja ndó ña vaha xihín ndinuhu ini ndó. ¹⁰ Xíní ñúhú quihvi ini ndó ña cúu cuéntá Jesús jáchi cúu ná tátuhun ña vehe ndó ta cajii ini ndó tá caja cáhnu táhan ndó.

¹¹ Nducú ndéé ndo ta a cácuu ndó ña jusá ta xihín ndinuhu ini ndó caja chúun ndó cuéntá Ndióxi, xitoho í.

¹² Xíní ñúhú cajii ini ndó candatí ndó xinu coo tuhun nasahan Ndióxi nu ndo. Quiahva ndeé vaha ini ndó tá ndóho ini ndó ta a jándacoo ndó ña cacá tahví ndo nu Ndióxi.

¹³ Ndá ñaha ndímani nuú java ga ña cúu cuéntá Jesús ná chindeé ndó ña. Ta ndiquehe vaha ndó ñayivi xíto nihni ndohó.

¹⁴ Cacá tahví ndo nu Ndióxi sahá ña cája xíxi xihín ndo ña ná caja Ndióxi ñamani xihín ná. Cacá tahví ndo nu Ndióxi saha ná ta a chícaan ndó cháhan jata ná.

¹⁵ Cajii ini ndó xihín ña cájii ini ta cuacu ndó xihín ña sácu.

¹⁶ In nuú quihvi ini táhan ndó. A cája ichi ini ndó. Ña ndítahan caja ndó queá jánuu ndáha ndó mé ndó xihín ñayivi ndáhví, ña co ndíñehe jícó mé. Ta a cáhán ndo ña cúu ndó ña ndíchi ndivaha.

¹⁷ Tá cája núu na xihín ndó, a ndícó coo ndó caja ndó ña núu xihín ná. Joo nducú ndó quiahva caja ndó ña vaha já ná a cáhan núu ñayivi saha ndo. ¹⁸ A ndúcú ndo caní táhan ndó xihín ñayivi ta ndíhi ini ndó coo vaha ndó xihín ndihi na. ¹⁹ Ñani mí i, ña cúu cuéntá Jesús. Tá cája xíxi na xihín ndo a ndúcú ñehe toho ndó ña núu nu ná jáchi cojo ini Ndióxi xihín ña cája já ta ndítahan nu mé á jándoho a ini

na. Já cáchí tuhun Ndióxi: “Yehe ndítahan nuú jándoho i ini ñayivi, na cája ña núu”, cáchí Ndióxi. ²⁰ Vaha chága ná caja ndó ña cáchí tuhun Ndióxi: “Tá cuíco ñayivi, na cō cúní ndohó quiáhva ndó ná cuxu na. Ta tá ichi ini na cō cúní ndohó quiáhva ndó ticuú nū ná coho na. Tá ná caja ndó ña yóho já queá cacahan nuú na cán sahá ña núu cája na xihin ndó.” ²¹ A quiáhva ndó ñamaní quee vaha ña quini xihin ndó. Ña ndítahan caja ndó queá caja ndó ña vaha já ná cuu quee vaha ndó cahnu ndó ña quini.

13

¹ Xíní ñúhú coo johó ndó nuú ña cáhan na jutixia xihin ndó. Jáchi sáhan Ndióxi ñamaní nuú na cán cahnda na chuun nuú ñayivi. Ta mé Ndióxi queá nasacu a na. ² Ta ndá na cō cúní cuni johó nū sáhdá na jutixia cúu ná na sájí nuu nū Ndióxi jáchi Ndióxi queá nasacu a na cán. Ta ndá na cō cúní caja ña sáhdá na ndoho ini na. ³ Jáchi cōó nasacu Ndióxi na jutixia ña ná jáyihví na ñayivi, na cája ña vaha. Nasacu Ndióxi na ña ná jáyihví na ñayivi, na cája ña núu. Tá cō cúní ndó cayihví ndó na jutixia xíní ñúhú caja ndó ña vaha já ná caji ini na jutixia xihin ndó. ⁴ Nasacu Ndióxi na jutixia ña ná chindeé na ndohó. Joo tá cája ndó ña núu já queá xíní ñúhú cayihví ndó na jáchi mé na cán cahnda na chuun ña ná चाहvi ndó sahá ña núu cája ndó. Sahá ña cán nasacu Ndióxi na ña ná jándoho na ini na cája ña núu. ⁵ Ña cán queá ndítahan nū ndó caja ndó ña sáhdá na jutixia já ná a jándoho na ini ndó jáchi sa náha mé va xíní túni yō cahan xohō ña xíní ñúhú candúsa í ña sáhdá na jutixia nū yō. ⁶ Sahá ña cán queá चाहvi ndó jiyhún cuéntá impuesto jáchi sa xíní ndó ña ndítahan nū ndó चाहvi ndó ña. Na jutixia cája chúun na cuéntá Ndióxi tá cája na ña xihín ndinuhu ini na.

⁷ Ndiqiahva ndó nuú ñayivi ña ndítahan nu ná ndiquehe na. Chahvi ndó impuesto nuú na játaca ña. Caja cáhnu ndó ñayivi, na ndítahan caja cáhnu ndó ta coo toní ñúhú ndó xihín na ndítahan coo toní ñúhú ndó xihín. ⁸ A cáyicá ndo ñaha nuú ni in ñayivi. Ña ndíyicá ndo queá quihvi ini táhan ndó. Jáchí ndá na quihvi ini ñayivi, na cán cúu na cája ña sáhná ley Moisés. ⁹ Jáchí tá quihvi ini ndó ñani táhan ndó já queá a ndiáva ini ndó caja ndó ña núu xihín na. Ta a cáhvi ini ndó coo ndó xihín ñájíhí ñani táhan ndó. Ta a cáhni ndó ndíi. Ta a cáhvi ini ndó caja cuhná ndo ñaha inga na. Ta ni a ndiáva ini ndó cacomí ndo ñaha cómi inga na. Tá quihvi ini ndó ñani táhan ndó já queá cúni cachi a ña cája ndó ña sáhná ley Moisés tá cáhí a já: “Quihvi ini ndó ñani táhan ndó tá quiahva quihvi ini ndó mé ndó.” ¹⁰ Ndá na quihvi ini ñani táhan, na cán cúu na cája vaha xihín ñani táhan na. Ña cán queá tá quihvi ini ñani táhan í já queá jáxinu yó nuú ña sáhná ley Moisés.

¹¹ Saha tóco ndihi ña cáhan í xihín ndo yóho xíní ñúhú candehé ndo ndá quiahva cáa tiempo ndúu viti. Xíní ñúhú ndicáxí vaha ini ndó caja ndó ña cúni Ndióxi jáchí viti sa nacayati chága quivi jácaacu Ndióxi mí a juú ga tá jacá nacandúsa í tuhun Ndióxi. ¹² Cúu á tátuhun ja chá cúni yaha ñuú ta casáhá tivi yaa. Ña yóho cúni cachi a ña sa nacayati quivi quixi tucu Jesucristo. Ña cán queá xíní ñúhú jándacoo í ña núu cája í tátuhun cája ñayivi xica nuu naá. Ta xíní ñúhú caja í ña vaha já queá quee vaha í xihín ña núu. ¹³ Ndísáhnu ná coo iní caja í tóco ndihi ñaha tátuhun cúu yó na ndúu nu yéhe. A cácuú ñayivi xíhi ta ni a cája í vicó lándá ndivaha. Ta ni a cáca nuu jii yo xihín ñájíhí ñani táhan í ta a ndiáva iní coo í xihín najihí. Ta a ndúcú yo cani táhan í xihín ñani táhan í ta ni a cáhivini iní xihín ná. ¹⁴ Ña ndítahan caja í queá caça chága yo ndée

yō nū Jesucristo, xitoho í já ná cacuu a tátuhun candixí in jahmá çaa ña sándixi da cáni táhan. Ta coto a quiáhva ndó ñamaní nuú yiquí cuñu ndó caja ña núu.

14

Cō ndítahan candehé ndaa táhan í

¹ Ndiqeehe vaha ndó na cúu cuéntá Jesús vatí cō cándaã vaha ini na ña jánaħa tuħun Ndióxi. Ta a cáni táhan yúhu ndó xihĩn ná saħá ña cándúsa na. ² Íin java na cúu cuéntá Jesús cáħán na ña cuu cuxu na cuñu, ña najoçō na nuú yōçō. Joo java na cúu cuéntá Jesús, na saá xihĩn tuħun Ndióxi cáħán na ña a cúu toho cuxu na cuñu, ña najoçō na nuú yōçō saħá ña cán queá cō xíxi na ña. ³ Na xíxi mé cuñu cán cō ndítahan nū ná candehé ndaa na na cō xíxi ña ta na cō xíxi cuñu cán cō ndítahan nū ná candehé ndaa na na xíxi ña. Jáçhi ndíqeehe vaha Ndióxi ndíví na cán vatí sa jíin cáħán na. ⁴ Ta quiáhva já cō ndítahan nū ndó candehé ndaa ndó mozo ñani táhan ndó á cája vaha da á cō cája vaha da nuú xitoho da. Vaha ri caja vaha da tá vaha ri cō cája vaha da jáçhi mé va xitoho da cán xíni saħá ña cán. Joo cuu caja Ndióxi ña ná candōo vaha mozo cán nuú xitoho da.

⁵ Java ñayivi cáçhí na ña íin quiví náħnu chága nuú java ga quiví. Ta java na cáçhí na ña in cúu tóçō ndihi quiví. Ta ndítahan nuú in in na çaxi na ña cáħvi ini na saħá ña yóho. ⁶ Tá sácú ini na çaxi na in quiví caja cáħnu na Ndióxi ta vaha va cája na. Ta tá cáħán na cuu caja cáħnu na Ndióxi ndá quiví naçuu va ta vaha ri já va. Ta vatí xíxi na cuñu, ña sa najoçō na nuú yōçō á cō xíxi toho na ña joo ndíquiáhva na ndixahvi nū Ndióxi saħá ta xihín ña yóho cája cáħnu na mé á.

⁷ Ni in yó cō táçú saħa mí ta ni in yó cō xíhi saħa mí. ⁸ Ta tá táçú yō á tá na xihĩ yō mé a ndaa cúu yó na cómí Ndióxi

cuéntá saha ta cúu mé á xitoho í. ⁹ Saha ña cán quéa naxihi Jesucristo ta nanditacu tucu a já nanduu a xitoho ñayivi, na tácu xihín na sa naxihi.

¹⁰ Ña cán quéa a váha toho cája ndó tá sándehe ndaa ndó ñani táhan ndó. A váha caja ndó candají ndó na jáchi vaxi quivi ndique táhan ndihí candita í nu Ndióxi ña caja víi a saha yo. ¹¹ Jáchi já cáchi tuhun Ndióxi já:

Yóho íin i cáchi i xihin ndo ña xinu quivi ndica xítí tóco ndihi ñayivi nuú i,

ta casahá na caja cáhnu na yehé, ña cúu Ndióxi, cáchi Ndióxi, xitoho í.

¹² Jáchi nditahan nuú in in í ndiquiahva í cuéntá sahá ña nacaja í nu Ndióxi.

A caja ndó ñaha ña cuu jándicava ñayivi nuú cuachi

¹³ Saha ña cán quéa co nditahan candehé ndaa táhan í. A cácu ini ndó caja ndó ñaha, ña cuu jándacava na cúu cuéntá Jesús nuú cuachi ta já ná jándacoo na ña cándéé ini na Ndióxi. ¹⁴ Saha ña cándéé ini i Jesús, xitoho i sahá ña cán quéa cándaa vaha ini i ña co cája i cuachi tá xíxi i ña najoco na nuú yoco. Joo tá ndúu na cáhán ña a váha toho cuxu na ña já quéa co nditahan cuxu na ña jáchi cuu candojo na cuachi sahá tá ná cuxu na ña. ¹⁵ Joo tá ndíhivi ñanún, na cúu cuéntá Jesús sahá ñaha xísún já quéa cúní cachi a ña cándajún na. Cuéntá coún ná a cájún ña ndicava na cán nuú cuachi sahá ña xísún jáchi cúu ná na naxihi Jesucristo saha. ¹⁶ Vatí cándaa ini ndó ña cuu cuxu ndó ña najoco na nuú yoco joo a cúxu toho ndó ña tá ná cahan núu ñayivi sahá ña cája ndó. ¹⁷ Jáchi a juú sahá ña xíxi ni sahá ña xíhí cacomí Ndióxi cuéntá saha yo. Ña cúní Ndióxi caja í quéa ná canduu ndaa yo nu mé á ta ná coo vaha iní xihín ñayivi ta ná caji iní. Tóco ndihi ña yóho cúu á ña quixi nu ínimá yii Ndióxi. ¹⁸ Tá ná caja ndó ña yóho já

queá cajú cáhnu ndó Jesucristo ta cajú ini Ndióxi cajú ndó ta candoo vaha ndó nuú ñayivi.

¹⁹ Ña cán queá xíní ñúhú ndinducú yo tóco ndihi ñaha, ña cuu candaca mí canduu táji yo xihín ñani táhan í ta já ná cuu jácuahnu táhan í xihín ñaha Ndióxi. ²⁰ Nasacu ini Ndióxi jácacu a ñayivi sahá ña cán queá coto a cáji nuu ndó nuú ña cúní Ndióxi cajú sahá ñaha xíxi ndó. Mé a ndaa tóco ndihi ñaha cúú á ña vaha cuxú. Ña co váha queá jándacava í ñayivi nuú cuachi sahá ña xíxi. ²¹ Vaha chága ná a cúxu ndó cuñu ta ni a cóho ndó vino ta ni a cajú ndó inga ñaha ña cuu jándacava ñani táhan ndó nuú cuachi. ²² Tá ta cándaá cáxi ini ndó ña co cajú ndó cuachi nu Ndióxi, a ndícani ndó ña nuú java ga ñayivi. Jáchi tahví nacuu ñayivi tá xíní na co cajú na cuachi nu Ndióxi. ²³ Joo ndá na ndúcú cuxu in ñaha ta cáhvi ivi joho ini na xihín á tá xíxi na ña já queá xínu cuachi jata ná. Jáchi ndá ñaha nacuu ná cajú í ta tá ta cándusa yó ña cúú á cuachi já queá xínu a cacuu a cuachi nu yo.

15

Chindeé ndó na cáhvi ivi joho ini

¹ Tá ndacú cuahan yó xihín tuhun Ndióxi já queá co ndítahan cacu xoo í na vitá xihín tuhun Ndióxi. A ndúcú ndo cajú ndó ña jándivaha ini mé cuití va ndó. ² Tóco ndihí xíní ñúhú cajú í ñaha ña táhán ini ñani táhan í xihín. Ta xíní ñúhú cajú í ña já ná chindeé yó na ña ná canduu vaha na ta já ná cuu cuahnu chága na xihín tuhun Ndióxi. ³ Jáchi mé Jesucristo coo nanducú a cajú ña táhan ini mé cuití a. Ña nacaja mé á queá najáxinu coo a nuú tuhun Ndióxi tá nacachi a já: “Tuhun núu ña najácana na nu mé ndó naxinu ri a jata yehe viti.” ⁴ Tóco ndihi ña nacahyi nuú tuhun Ndióxi sanahá nacahyi a já ná jána ha nu yo ña co ndítahan ndicani iní. Ta, náha ña ndítahan quiahva

tuhun ndeé iní nani ndátí jáxinu Ndióxi tuhun nasahan nu yo. ⁵ Ndióxi quéa sahan ndée nu yo ña ná coo cáhnu iní ta sa mé á sahan tuhun ndeé iní. Ña cuni Ndióxi quéa chindeé a ndohó caja ndó tá quiahva nacaja Jesucristo ta já in ná nduu xihin táhan ndó. ⁶ Ta já in ná jándique táhan ndihí caja cáhnu í Ndióxi, mé a cúu tátá Jesucristo, xitoho í.

Xíni johu na coo naquixi chichi Israel tuhun vaha saha Jesús

⁷ Ndiquehe vaha ndó tóco ndihi na cúu cuéntá Jesús tá quiahva nandiquehe vaha Jesucristo ndohó já ná ndicáhnu Ndióxi. ⁸ Ndítahan ndicuhun ini ndó ña naquixi Jesucristo chindeé a ñayivi Israel. Ta naquixi a jánaha nu ná ña mé a ndaa táhyí jáxinu coo Ndióxi tóco ndihi nuú tuhun ña nasahan nuú tásáhnu jícó yo jáchi co ndimani Ndióxi nuú tuhun a. ⁹ Ta naquixi a jácacu a ñayivi, na coo naquixi chichi Israel ña ná caja cáhnu na mé á sahá ñamaní nacaja mé á xihin ná. Jáchi já cáchi tuhun Ndióxi: Yehe xihin na coo naquixi chichi Israel caja cáhnu nde ndohó, Ndióxi,
ta yehe cata i nu ndo caja cáhnu i quivi ndo.

¹⁰ Ta íin inga tucu nu cáchi a já:

Ndohó, na coo naquixi chichi Israel xini ñuhú ndique táhan ndó cajii ini ndó xihin na naquixi chichi Israel.

¹¹ Anda já nacachi tucu a já:

Tóco ndihi ndó, na coo naquixi chichi Israel caja cáhnu ndó Ndióxi, xitoho í,

ta ná a jándacoo toho ndihi ñayivi caja cáhnu na Ndióxi.

¹² Tá nacahyí Isaías nuú tuhun Ndióxi já nacahyí da tuhun yóho:

Vaxi quivi cacu in da chichi Isaí,

ña ná cacomí da cuéntá sahá ñayivi, na coo naquixi chichi Israel.

Ta mé ñayivi yóho candeé ini na mé da quixi chichi Isai cân.

¹³ Ndióxi quéa cája ña ná candeé ini ndó mé á ta já cuu jácacu a ndohó. Ná caja mé á ña ná ndicutú ini ndó xihín ña cájii ini ndó ta ná caja mé á ña ná coo vaha ini ndó jáchi candeé ini ndó a. Xihín ndée ínimā yii Ndióxi ná quiahva mé á cuaha ndée nu ndó candeé chága ini ndó a.

¹⁴ Cándehé ndó ñani i, na cúu cuéntá Jesús. Sa xini vaha i ña nachutú ndo xihín ña vaha ta cándaā vaha ini ndó tuhun Ndióxi. Ta xihín ña jan cuu jánaḥa táhan ndó. ¹⁵ Joo tá naḥayí i carta yóho nu ndo já naḥaja ndee ini i cáhyí i saḥa java ñaha jáchi co cúní ña ná ndindójó ndo ña. Cáhyí i ña yóho jáchi naḥaja Ndióxi ñamaní xihín i ¹⁶ cája chúun i cuéntá Jesucristo cáxi tuhun i tuhun vaha saḥa mé á nuú ñayivi, na coó naquixi chichi Israel. Ta cúu u tátuhun jutú jáchi xica i cáhan i tuhun Ndióxi xihín ná já ná cuu cacu ndaa ínimā ná. Cúu á tátuhun jóco i na nu Ndióxi já ná cajii ini mé á xihín ná ta já ná cuu ndaja ínimā yii mé á ña ná nduu na ñayivi víi nu mé á.

¹⁷ Ta saḥá ña cándúsa i Jesucristo saḥá ña cân quéa ndivaha ini i caja chúun i cuéntá Ndióxi. ¹⁸ Jáchi saḥan ndeé ini i cáhan i saḥá ña naḥaja Jesucristo tá naḥaja chúun mé á yehé ña candaca i na coó naquixi chichi Israel ña ná caja na ña cúní Ndióxi. Ta saḥá ña naḥahan i xihín na cân já naḥini johó na ta naḥaja na ña cáchi tuhun Ndióxi. ¹⁹ Ta sa naḥini na ña xituhún xihín ña náhnu ndivaha naḥaja i nu ná xihín ndée ínimā yii Ndióxi. Ta quiahva já naḥaxi tuhun i tuhun vaha saḥa Jesucristo nuú ñayivi ndúu ñuu Jerusalén xihín nu tóco ndihi na ndúu ndijáá ñuu andā estado Ilírico. ²⁰ Ña ndúcú u caja i quéa cáhan i xihín ñayivi ña cúní Ndióxi jácacu a na. Ta sá cáhan i ña yóho nuú ñayivi, na a ñáha cuni johó saḥa Jesucristo jáchi co cúní ndíquehe e chuun ña sa najácava sáhá inga

na. ²¹ Cáhvi ini i ña vaha chága ná cūhun i nuú ñayivi, na coó naxini johu tuhun vaha saha Jesús jáchi já cáchi tuhun Ndióxi já:

Vatí coó naxini johu na tuhun vaha saha mé á joo vaxi quivi xinu coo na cahan xihin ná, ña ná cándaá ini na ña coó nacandaá ini na jihna, cáchi tuhun Ndióxi.

Sácú ini Pablo cūhun da ñuu Roma

²² Ta sahá chuun cája i yóho coó nacuu saa i coto nihni i ndohó vatí sa cuahá tañu nasacu ini i saa i jan. ²³ Joo viti sa najándihi i chuun nacaja i tañu ñayivi ndúu yóho. Ta sa cáhvi ini i saa i coto nihni i ndohó anda sanahá. ²⁴ Sahá ña cán queá sácú ini i saa i coto nihni i ndohó tá ná yaha i cūhun i chí España. Ta tá ná ndihi cajii ini i cuni i ndohó anda jávi ndiquehe tucu u íchi cūhun i. Joo cúní ña ná chindeé ndó yehé já ná cuu ndiquehe tucu u íchi cūhun i. ²⁵ Joo viti cūhun i chí ñuu Jerusalén chindeé na cúu cuéntá Jesús ndúu cán. ²⁶ Jáchi na cúu cuéntá Jesús ndúu estado Macedonia xihin na ndúu estado Acaya nasacu ini na játaca na jihún ta chindahá na ña nuú na cúu cuéntá Jesús, na cándahví ndúu ñuu Jerusalén. ²⁷ Mé na tóho yóho nasacu ini na caja na ña ta vaha cája na jáchi cáhán na ña ndítahan nu ná chahvi na sahá ña nacaja na Israel, mé na cúu cuéntá Jesús ndúu ñuu Jerusalén xihin ná. Jáchi nasahan na Israel nacaxi tuhun na tuhun vaha saha Jesús nu ná. Ta viti ndúcú ñehe na tóho yóho ñamani nacaja na Israel xihin ná. Ña cán queá chindeé ñahá na toho xihin ña cómi na. ²⁸ Ta tá sa najándihi i caja i chuun yóho ta tá sa nandihí ndiquiahva i jihún nataca na tóho nuú na cúu cuéntá Jesús ndúu ñuu Jerusalén anda já nuná nuú i cūhun i España ta já yaha i jan coto nihni i ndohó. ²⁹ Ta xini vaha i ña tá ná saa i jan caja Jesucristo cuahá ñamani xihin ndo sahá tuhun vaha cahan i xihin ndo.

³⁰ Xíca tahví i nu ndo ñani mí i, na cúu cuéntá Jesús, ña in nuú ná caca tahví yo nu Ndióxi sahá chuun cája i. Jáchí cándéé ini ndó Jesucristo ta quíhvi ini ndo yehe ñajaja ínima yii Ndióxi. ³¹ Caca tahví ndo nu á ña ná chindeé a yehe ná a cája ñayivi, na co cándúsa Ndióxi ndúu estado Judea ni in ñaha xihín i. Ta caca tahví ndo nu Ndióxi ña ná candúsa na cúu cuéntá Jesús ndúu ñuu Jerusalén cán ndiquehe vaha na jjuhún ñéhe cuahan i nu ná. ³² Já quéa tá ná cúni Ndióxi já cajii ini i saa i coto nihni i ndohó ta ndiquehe ndeé e nani xito nihni i ndohó. ³³ Ndióxi ná coo xihín ndo ta ná caja mé á ña ná coo vaha ini ndó. Já ná coo.

16

Chíndahá Pablo Ndióxi coo na ndúu ñuu Roma

¹ Ja chá va casaá ñá naní Febe, ña cúu cuéntá Jesús nu ndo. Mé Febe yóho ñajaja chúun ñá veñuhu Cencrea. ² Caja ndó ñamaní ndiquehe vaha ndó ña sahá ña cúu ña cuéntá Jesús, xitoho í ta já ndítahan caja na cándéé ini Jesús. Chindeé ndó ña yóho xihín ndihi ñaha ña cámani nu ña jáchi ñachindeé ña cuahá ndivaha ñayivi ta ñachindeé ri ña yehe va.

³ Chíndahá i Ndióxi coo Priscila xihín Aquila jáchi in cúu ná xihín i cája chúun na cuéntá Jesucristo. ⁴ Mé na yóho ñasahin tiahva na quivi na já ná cuu cacu yehe tá ñaquixi tondóhó nuú i. Ta a juú in túhún yehe ndíquiahva ndixahvi nu ná vaha. Tóco ndihi na cúu cuéntá Jesús, na coo ñaquixi chichi Israel ndíquiahva na ndixahvi nu ná. ⁵ Ta jári chíndahá i Ndióxi coo na cúu cuéntá Jesús, na ndíque táhan vehe Priscila xihín Aquila. Ta cahan Ndióxi ndó xihín Epeneto jáchi quíhvi ndivaha ini i da. Mé dá ñasacuu da nu cuítí ñandihvi íchi cuéntá Jesús estado Acaya. ⁶ Ta cahan Ndióxi ndó xihín María, ña chindeé

cuahá ndohó. ⁷ Ta chindahá i Ndióxi coo Andrónico xihín Junias. Ndíví da yóho cúú dá da naquixi chichi nuú naquixi mí i. Ta in nasañuhu nde vecaa xihín dá. Ta cúú dá da náhnu tañu na apóstol. Ta jihna ñúhú ndíví mé da yóho nacasáhá cándúsa da Jesucristo a juú ga yehe.

⁸ Ta cahan Ndióxi ndó xihín Amplias jáchi quíhvi ndivaha ini i da. Ta in cúú nde cuéntá Jesús. ⁹ Ta chindahá i Ndióxi coo Urbano. In cúú mé dá xihín nde cája chúun da xihín nde cuéntá Jesucristo. Ta chindahá i Ndióxi coo Estaquis, da quíhvi ndivaha ini i. ¹⁰ Ta chindahá i Ndióxi coo Apeles jáchi cuahá tañu najánaha da nuú ñayivi ña mé a ndaa táhyí cándeé cáhnu ini da Jesucristo. Ta quiahva já chindahá i Ndióxi coo na vehe Aristóbulo. ¹¹ Ta cahan Ndióxi ndó xihín Herodión jáchi in naquixi nde chichi Israel. Ta cahan Ndióxi ndó xihín na vehe Narciso jáchi cándúsa na Jesús, xitoho í. ¹² Ta cahan Ndióxi ndó xihín Trifena ta xihín Trifosa, na cája chúun cuéntá Jesucristo, xitoho í. Ta cahan Ndióxi ndó xihín Pérsida, jáchi quíhvi ndivaha ini i ña ta cuahá ndivaha nacaja chúun ña cuéntá Jesucristo, xitoho í. ¹³ Ta cahan Ndióxi ndó xihín Rufo jáchi cúú dá da cáhnu ndivaha tañu na cúú cuéntá Jesús. Ta cahan Ndióxi ndó xihín náná da jáchi cúú ña tátuhun náná mí i viti. ¹⁴ Ta chindahá i Ndióxi coo Asíncrito xihín Flegonte xihín Hermas xihín Patrobas xihín Hermes. Ta chindahá i Ndióxi coo tóco ndihi na cúú cuéntá Jesús ndúu xihín na cán. ¹⁵ Ta cahan Ndióxi ndó xihín Filólogo xihín Julia xihín Nereo ta xihín quiahva da. Ta cahan Ndióxi ndó xihín Olimpas ta xihín tóco ndihi na cúú cuéntá Jesús ndúu xihín na cán.

¹⁶ Ña cúní quéa ná cahan Ndióxi xihín táhan ndó ta ná tatí yúhu táhan ndó ta yij caja ndó ña. Tóco ndihi na cúú cuéntá Jesús, na táca veñuhu yóho chindahá na Ndióxi coo ndihi ndó.

¹⁷ Cándehé ndó ñani mí i, na cúu cuéntá Jesús. Xíca tahví i nu ndo ña ná coo cuéntá ndó xihín na cátóó ndicahnda ñayivi, na cúu cuéntá Jesús jáchi sájí nuu na nuú na cája ña cúní Ndióxi. Ña cája na jan quea cáxoo na nuú ña najánaḥa nde nu ndo. Coto a catáhan ndó xihín ná. ¹⁸ Jáchi mé na yóho co cúu ná na cája chúun cuéntá Jesucristo, xitoho í. Ña cája na quea ndúcú na ña vaha mé cuití va na. Ta xihín tuhun ñúchí ta xihín tuhun víi jándahvi na ñayivi, na co tácu vaha ini. ¹⁹ Tóco ndihi ñayivi xíní na ña cája ndó ña cúní Ndióxi ña cán quea cájii ndivaha ini i. Ña cúní quea ná naḥa ndó ña ndíchí jiní ndo xihín ña vaha cája ndó. Ta a cáñuhu ini ndó caja ndó ña núu. ²⁰ Yachi chá jándihi Ndióxi saḥá Satanás, rí cúu tiñáhá sacuaḥa ta já cuu cañnu ndó rí xihín ndée Ndióxi. Cacuu a tátuhun chiníhni saḥa ndó rí. Ná caja Ndióxi ña ná coo vaha ini ndó. Ta ná caja cuaḥá Jesucristo, xitoho í ñamani xihín ndihi ndo.

²¹ Chíndahá Timoteo Ndióxi coo ndó ta in cúu dá cája chúun da xihín i. Ta chíndahá ri Lucio xihín Jasón xihín Sosípater Ndióxi coo ndó. Tóco ndihi da yóho naquixi da chichi Israel nuú naquixi mí i.

²² Yehe naní Tercio ta cáhyí i carta yóho ta chíndahá ri yehe va Ndióxi coo ndó cuéntá Jesucristo, xitoho í.

²³ Chíndahá Gayo Ndióxi coo ndó. Vehe mé dá ín i ta sa mé yóho táca na cúu cuéntá Jesús. Ta chíndahá ri da naní Erasto Ndióxi coo ndó. Mé Erasto cómí da cuéntá saḥá jjuhún ñuu yóho. Ta chíndahá ri Cuarto, da cúu cuéntá Jesús Ndióxi coo ndó.

²⁴ Ná caja cuaḥá Jesucristo, xitoho í ñamani xihín ndihi ndó. Já ná coo.

Cája cáhnu Pablo Ndióxi

²⁵ Coho caja cáhnu í Ndióxi jáchi mé á cuu ndaja ndacu a ndohó xihín tuhun vaha saḥa Jesús ña jánaḥa nde nu ndo.

Anda sanahá tá cámaní cava sáhá saha ñuyíví nasacu ini Ndióxi jácacu a ndohó ta viti naxinu quiví jánaha mé á ña nu ndo. Nahá ndivaha nasahjin jehé tuhun vaha saha Jesús. ²⁶ Ta viti cándaá iní ña nacahan Ndióxi saha Jesús nuú na profeta ta na yóho nacahyí na ña nuú tutu. Ta nasahnda Ndióxi chuun nuú na cúu cuéntá mé á ña ná cūhun na caxi tuhun na ña nu tóco ndihi ñayivi ndúu ñuyíví. Ta xihin mé ña yóho nacaja Ndióxi ña ná cuu candee ini ñayivi mé á ta já ná caja na ña cūni a, mé a tácu anda ama cáa quivi.

²⁷ Ta mé cuití va cúu Ndióxi ta mé cuití va ndíchí jini sahá ña cán quea ndítahan caja cáhnu yó a anda ama cáa quivi sahá ña nacaja Jesucristo, xitoho í. Já ná coo.

Tuhun saá ña najándacoo Jesucristo nu yo: El Nuevo
Testamento en el mixteco de Silacayoapan
New Testament in Mixtec, Silacayoapan (MX:mks:Mixtec,
Silacayoapan)

copyright © 2009 Wycliffe Bible Translators, Inc.

Language: Mixtec, Silacayoapan

Translation by: Wycliffe Bible Translators, Inc.

Mixtec, Silacayoapan

mks

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Silacayoapan

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 27 Sep 2019 from source files dated 27 Sep 2019

7f2d3ecf-6d15-55a5-9081-6e970474df2f